

# УСТАВА НА ВОЛОКИ


и

ДОПОЛНЯЮЩЕ ЕЕ ДОКУМЕНТЫ ШЕСТОЙ КНИГИ ЛИТОВСКИХЪ ПУБЛИЧНЫХЪ ДѢЛЪ МЕТРИКИ ЛИТОВСКОЙ

ИЗДАНИЕ

Императорской Археографической Коммисіи

(Извлечено изъ XXX-го тома „Русской Исторической Библіотеки“)



Юрьевъ.

Типографія К. Маттисена.

1913.

Я.

12889

B 12889.

V

*For packing  
p. 100*

# УСТАВА НА ВОЛОКИ

И

ДОПОЛНЯЮЩЕ ЕЕ ДОКУМЕНТЫ ШЕСТОЙ КНИГИ ЛИТОВСКИХЪ ПУБЛИЧНЫХЪ ДѢЛЪ МЕТРИКИ ЛИТОВСКОЙ

ИЗДАНИЕ

Императорской Археографической Коммисіи

(Извлечено изъ XXX-го тома „Русской Исторической Библиотеки“)



Юрьевъ.

Типографія К. Маттисена.

1913.



„Устава на волоки“, выданная великимъ княземъ Сигизмундомъ Августомъ 1 апрѣля 1557 года, уже давно признана однимъ изъ важнѣйшихъ документальныхъ источниковъ для изученія исторіи господарскаго хозяйства и внутренняго строя Литовско-Русскаго государства. Въ виду этого, она издается нынѣ съ дополняющими ее документами Шестой Книги Литовскихъ Публичныхъ Дѣлъ Метрики Литовской въ извлеченіи изъ печатаемаго въ настоящее время подъ редакціей проф. И. И. Лаппо XXX-го тома Русской Исторической Библіотеки, заключающаго въ себѣ II, IV, V, VI и VII Книги Литовскихъ Публичныхъ Дѣлъ Метрики. Текстъ Шестой Книги Публичныхъ Дѣлъ воспроизводится въ изданіи съ тѣми же пріемами, которые были приняты при изданіи Книгъ Записей Литовскихъ въ XXVII-мъ томѣ Русской Исторической Библіотеки.

---

# УСТАВА НА ВОЛОКИ

и

дополняющіе ее документы Шестой Книги Литовскихъ Публичныхъ  
Дѣлъ Метрики Литовской.

## 1. Старинная Опись „Уставы на волоки“.

Л. 1 || Реестръ уставы короля его милости у-во всемъ Великомъ Князстве Литовскомъ. Летъ Бож[ьего] Нарож[енья] 1557, м[е]с[е]ца апрел[я] 1 дня<sup>1</sup>.

1. О боярохъ путъныхъ и о служкахъ.
2. О бортияхъ.
3. О конюхохъ.
4. О стрельцохъ.
5. О одверныхъ.
6. О осочъникохъ.
7. О войтахъ и всѣхъ ихъ повинностяхъ, о переоре меж[ъ] и о винахъ.

<sup>1</sup> Въ послѣдующемъ реестрѣ цифры передъ заголовками артикуловъ стоятъ въ оригиналѣ (въ видѣ буквенныхъ числовыхъ знаковъ).

Примѣчаніе. Книга въ листъ обычнаго формата большинства книгъ Литовской Метрики. Переплетъ новый: картонныя доски; наружная ихъ сторона оклеена сиреневой мраморной бумагой; внутренняя сторона оклеена бѣлой бумагой; корешокъ желтой кожи. На корешкѣ два бумажныхъ ярлыка. На верхнемъ изъ нихъ напечатано: „ $\frac{III A}{6}$ “. На нижнемъ стоитъ: „№ 6 А ПБ. Дѣ“ (буквы „ПБ. Дѣ“ напечатаны; остальное написано чернилами; конецъ ярлыка, послѣ „Дѣ“, оборванъ). Въ виду того, что переплетъ сдѣланъ въ новѣйшее время, на внутренней сторонѣ первой доски его нѣтъ обычнаго въ книгахъ Метрики ярлыка (см. его текстъ въ примѣчаніи на ст. 1—2 XX-го тома Русской Исторической Библиотеки). Наверху внутренней стороны первой доски переплета (слѣва) написано новымъ почеркомъ (чернилами): „№ 6. А“. Составъ Книги Публичныхъ Дѣлъ Литовскихъ № 6 слѣдующій: 1) составленный при Нарушевичѣ „Registr“ первыхъ двадцати артикуловъ „Уставы на волоки“, писанный латиницею, занимающій первую страницу перваго (нумерованнаго) листа книги; водяной знакъ этого листа — слово „Schweidniz“; 2) самый текстъ книги, начинающійся „реестромъ уставы“ 1 апрѣля 1557 года, — 36 листовъ и начало 37-го листа. Бумага этой основной части книги имѣетъ слѣдующіе водяные знаки: гербъ Топоръ въ гербовомъ щитѣ — л. л. 4, 5, 10, 12, 14, 15, 17, 19, 21, 23, 24, 25, 27, 29, 34 и 36; гербъ Гоздава — л. 6. Остальные листы книги водяныхъ знаковъ не имѣютъ. 37 листовъ текста книги имѣютъ старинную пагинацію славянскими числовыми знаками, передъ которыми всегда стоитъ: „листъ“ или „лист“ (первая передача этого слова въ первой половинѣ книги, вторая — во второй). 37-й листъ оборванъ по краямъ и наклеенъ на листъ новой бумаги, на оборотѣ котораго находится помѣтка Коммисіи 1835 года съ подсчетомъ листовъ книги (37) и печатью Коммисіи на концахъ шнуровъ, которыми прошнурована книга.

8. О лавъникохъ.  
 9. О мѣстахъ и ихъ повинностяхъ.  
 10. О капъщызне.  
 11. О резникахъ.  
 12. О коморникахъ въ мѣстахъ.  
 13. О корчмахъ.  
 14. О торгохъ.  
 15. О цыньшохъ и повинностяхъ и о роботахъ людей тяглыхъ.  
 16. О огородникахъ.  
 17. О овъсе и сене.  
 18. О серебъщызнахъ съ подданныхъ.  
 19. Естьли на роботу подданный не выйдеть.  
 Об. || 20. О ѳолваркохъ у гумънехъ, о засеван[ь]ю и ужат[ь]ю и о даван[ь]ю въ отсопъ, о евьяхъ и о семи волокахъ.  
 21. О оборе быдла и о скурахъ всякихъ.  
 22. О огороды дворные.  
 23. О ставехъ и сажавъкахъ и о млынехъ и млынарехъ.  
 24. О сеножатехъ дворныхъ.  
 25. Где кони въ дворехъ нашихъ стоять.  
 26. О листехъ на данину.  
 27. О пълатехъ и всихъ иныхъ доходехъ, яко мають выбирать.  
 28. О днехъ, личъбамъ назначоныхъ, и о писарехъ скарбныхъ и абы врадъ п[е]н[е]зей пры себе не задержываль.  
 29. О ревизорахъ, меръникохъ и о помере волочной и о селидбахъ и о отменахъ имъ, [о] затаенныхъ кгрунътехъ.  
 30. О битью на вьраде пры ревизору и о усправедливлен[ь]ю.  
 31. О доходехъ на вьрадъ и о лежъни.  
 32. О судеревъныхъ лесохъ, пуцахъ и бобровыхъ гонехъ, о борти, сеножати и оступехъ и лесехъ розмеронныхъ.  
 33. О вол[ь]ности подданныхъ до пуцы.

<sup>1</sup> Въ оригиналѣ: „продети“.

34. О вольности подданныхъ до рекъ и озеръ и часовъ голодныхъ отъходити, будованье и домовъство продати<sup>1</sup> и о пустыхъ и нерозробленыхъ волокахъ.  
 35. О подводахъ далекихъ и о будован[ь]ю замъковъ, дворовъ, и ажбы врадъ на свою потъребу подводъ не выганяль и о подводы подь пенези, о вожен[ь]е до порътовъ.  
 36. О воженье камен[ь]я.  
 37. О мосты.  
 38. О сторожу.  
 39. О ремесники.  
 40. О ловен[ь]е рыбъ въ озерахъ.  
 || 41. О позвы и децкіе на подданныхъ Л. 2 и о кривды и грабежы, имъ почыненые.  
 42. О мысливъстве.  
 43. О злодеехъ и злочинъцахъ.  
 44. О повинности замъку Виленского и Троцкого.  
 45. О шляхъте въ земъли Жомойтской.  
 46. О волостяхъ Рускихъ.  
 47. О зештью старость и держа-вечь.  
 48. О входы до пуцы, абы никому, одъно подданымъ даваны на цыньшохъ.  
 49. О дерево стоячее въ пуцы.

**2. 1557, апрѣля 1. „Устава на волоки“, данная Великому Княжеству Литовскому великимъ княземъ Сигизмундомъ Августомъ.**

Устава наволокигосподара короля его милости у-во въсемъ Великому Князстве Литовскомъ. Лета Бож[ь]его Нарож[енья] 1557, м[е]с[е]ца апреля 1 дня.

Артыкулъ 1. О боярохъ путныхъ и о служъкахъ.

Об. Бояре<sup>1</sup> путьные стародавньные, а не въкупньные хочемъ мети, абы были на двухъ волокахъ постановены, съ которыхъ абы за вѣси повинньности, п[е]незми ошачовавъшы водле кгрунѣту, яко люди осадные, платили, а на службу тяглую и въ подводу ходити не повинни; а коли з росказан[ь]я нашего на дорогу поедуть, того году || ничого платити не мають, а безъ воли и росказан[ь]я нашего в раду нашему ихъ на дорогу и нигде не посылати; а, будучы на дорозе, службыти имъ по-старому; навезька имъ, яко и передъ тымъ, водле статуту; служокъ съ такихъ же бояръ ревизорове обирати и не болшъ, толко съ потъребу<sup>2</sup> пры кажьдомъ замьку и дворе нашомъ zostавити мають, которыхъ служба будетъ ездити з листы нашими до дворовъ, оному в радови прылегълыхъ, а съ пенязми платовъ нашихъ до Вильни до скарьбу и за кривьдами подданныхъ колеею з росказанья в радового ездити, а за то имъ на одинъ конь две волоки вольныхъ отъ всихъ платовъ мети, а на потъребу в раду ездити не повинньни.

[Артыкулъ] 2. О бортяхъ. Ижъ<sup>3</sup> первой бортеве розность въ роботахъ отъ инъшыхъ подданныхъ нашихъ мели, и тепер[т] ихъ zostавуемъ, абы водле шацунку кгрунѣтовъ за вѣси повинньности, цынъшы, овъсы и сена пенязми з волокъ до скарьбу нашего платили, яко и осадники; а коли имъ на войну ити кажемъ, мають мети тотъ рокъ вольный ото всихъ платовъ; а мосты имъ повинньные заробляти и тежъ за росказан[ь]емъ и листомъ нашимъ

мосты имъ неповинньные мостити мають, а за то имъ еолькгу въ цыншоухъ нашихъ делати кажемъ подле воли наше.

[Артыкулъ] 3. О конюхохъ седельныхъ и инъшыхъ. Конюхи<sup>4</sup> седел[ь]ные альбо дворные мають мети по дѣве волоки вольныхъ на службу конюшѣскую, на которой коли будутъ, маеть быти давано на страву имъ и на вѣси потъребы грошей копъ чотыры на рокъ; а которые на службе не будутъ, мають платити съ кожьдое волоки по тому жъ, яко и бортеве.

[Артыкулъ] 4. О стрельцохъ. Стрельцомъ<sup>5</sup> нашимъ по две волоки вольные маеть быти дано, а третью на цыншу, хто похочеть, а служба ихъ з росказан[ь]емъ нашимъ въ ловы и на войну.

|| [Артыкулъ] 5. Одверные и инъшые слуги дворные, мешькаючы на посълугахъ нашихъ<sup>6</sup>, мають мети по две волоки вольныхъ отъ всихъ платовъ и повинньности; а которые на сълужьбахъ нашихъ не будутъ, абы платили съ кожьдое волоки пенязми водле кгрунѣту, ошачовавъшы вей повинньности, а естли бы которые, зъстаравъшы ся на служьбахъ нашихъ, дома мешькали, такowymъ обе-две волоки вольныхъ мети, ведже олижъ за листомъ нашимъ господарьскимъ.

[Артыкулъ] 6. О осочъникохъ.

<sup>1</sup> На правомъ полѣ противъ этой строки въ оригиналѣ стоитъ: „бояре“. <sup>2</sup> На правомъ полѣ противъ этой строки въ оригиналѣ стоитъ: „служки“. <sup>3</sup> На правомъ полѣ противъ этой строки въ оригиналѣ стоитъ: „конюхи“. <sup>4</sup> На правомъ полѣ противъ этой строки въ оригиналѣ опять стоитъ: „конюхи“. <sup>5</sup> На правомъ полѣ противъ этой строки въ оригиналѣ стоитъ: „стрелцы“. <sup>6</sup> На правомъ полѣ противъ этой строки въ оригиналѣ стоитъ: „одверные“.

Ревизоръ<sup>1</sup> з лесничымъ маеть осочниковъ обирати, а не болшь, одно съ потребу пры пуцахъ и ловехъ нашихъ становити, и то намъ, господару, ознаймити, а на службу ихъ по дзве волоки вольныхъ давати отъ цынъшу и всякихъ потяглей.

[А р т ы к у л ь] 7. Войтове<sup>2</sup> на селахъ мають мети по одной волоце вол[ь]ной, а похочеть ли, маеть ему и дъругая быти прыдана на цыншу, ошачовавши вси повинности и доходы водле кгрунъту; а служба ихъ то — з росказан[ь]я<sup>3</sup> вradoвого на роботу и цыншы и съ платы нашими выгоняти и пры отдаван[ь]ю платовъ быти, подданныхъ ку праву место децкогo передъ урадомъ ставити, пры работахъ всякихъ<sup>4</sup> место прыстава надъ люд[ь]ми войтовства своего стояти, пры отъвожен[ь]ю овсовъ и сенъ до Вильни и инъде з людъми войтовства своего ездити и ихъ отдавати, переоры<sup>5</sup> волокъ не пърынятыхъ, стены, границы и копъцы на кожъдый рокъ межы подданными нашими поправовати и поновляти<sup>6</sup> подъ виною копою грошей. А где бы отъ которого суседа видель<sup>7</sup> копъцы альбо границы показоны, маеть то вradoви оповедити подъ тою жъ виною; а судити вradу подъданныхъ о въсемъ дня торгового, кромъ прычины кравое и кгвальтовъное<sup>8</sup>; о такой вине, коли жъ кольвекъ повелитъ урадь, ставити ку праву подданого войтъ повинень. А который бы съ подданныхъ войта по-

слушонъ не былъ, а за позъван[ь]емъ || его передъ урадомъ не сталъ, по такового свовольного вradъ децкогo посълати<sup>9</sup> маеть, и отъ непослушного децкованья на милю въ обе стороне грошъ; а пры суде войту быти и справедъливости подданому помогати, винъ нашихъ ведомость мети и ревизоромъ оповедати и того стеречи, абы вradъ винъ и пересудовъ надъ уставу не бралъ. А естъли бы за мовеньемъ его вradъ того не пересталъ, маеть то войтъ ревизору оповедити. А войта вradу о въсякую вину судити, только войтовства въ него<sup>10</sup> не отънимати, ажъ посполу з ревизоромъ дознавъшы вину и неслушную справу его, и, того скинувъшы войта, инъшого уставити, мужа тое жъ волости неподзаного, на которого поддани зволять. Которые войтове и тежъ лавъники по селамъ судовъ жадныхъ судити<sup>11</sup>, покълоновъ и вымысловъ надъ подданными чынити не мають подъ виною до скарбу нашего рублемъ грошей, одъно, обачывъшы где кольве шкodu нашу господарьскую, урадови и<sup>12</sup> ревизору оповедати, ничего не закърываючы, подъ тою жъ виною. А коли войтовство кому дають, прысегати ему не надобе, кгда жъ вже вина на войта описана. А отъкуповъ урадь съ подданныхъ за роботу брати не маеть; а гдe бы бралъ, маеть то войтъ ревизору оповедати подъ виною копою грошей. А естъли бы войтъ волоку пустую кому нанялъ, альбо отъ ураду нанятую передъ ревизоромъ

Об.

<sup>1</sup> На правомъ полѣ въ оригиналѣ стоитъ: „осочники“. <sup>2</sup> На правомъ полѣ въ оригиналѣ стоитъ: „войты“. <sup>3</sup> На правомъ полѣ въ оригиналѣ стоитъ: „ихъ повинностъ“. <sup>4</sup> На правомъ полѣ въ оригиналѣ стоитъ: „цынши“. <sup>5</sup> На правомъ полѣ въ оригиналѣ: „отвозъ“. <sup>6</sup> На правомъ полѣ въ оригиналѣ: „стены“. <sup>7</sup> На правомъ полѣ въ оригиналѣ: „копъцы“. <sup>8</sup> На правомъ полѣ въ оригиналѣ: „судъ в торговый день“. <sup>9</sup> На правомъ полѣ въ оригиналѣ: „децкий“. <sup>10</sup> На правомъ полѣ въ оригиналѣ: „о судъ войта“. <sup>11</sup> На правомъ полѣ въ оригиналѣ: „на селахъ не судити“. <sup>12</sup> Въ оригиналѣ: „к“.



Л. 4

утаилъ, тогды за то скарати его, яко злодея, горломъ. А у войтовъство<sup>1</sup> кожъ-дому маеть быти волокъ сто, мало большъ альбо меншъ, водле прылегъ-лости, хотя два и тры села и большей злучити. А дъяля розознанья подъя-данныхъ войтъ маеть мети шнуръ, одъ-накое меры справеный и досветчоный<sup>2</sup>, и часу мокърого альбо сухого жавъжды его лихътовати и досветъчати, и естли подданный одинъ другому между перереть и сказити, ино враднику на копу не ездити, || [пересуду] и проезду<sup>3</sup> не бърати, але войтъ между направить и возметь на томъ, хто<sup>4</sup> сказилъ, на врадъ дванадцать грошей, а себе за працу чотыры грошы; а вина битая, правомъ переведеная, — дванадцать грошей; а хотя бь<sup>5</sup> не переведена, а за обжа-лованьемъ поеднана, — таковая жь вина; а естли б[удеть] станеть ся, а не жалуючы врадъ, поеднають ся, тая вина — шесть грошей, хто едънаеть, и объявити того врадови войтъ и лавъ-ники повинъни подъ виною копы гро-шей.

[А р т ы к у л ь] 8. Лавники<sup>6</sup> въ селахъ по два, по тры, альбо и большъ, подле великости села, люди неподозранные, веры годные, мають быти становълены, которыхъ повинъность шкодъ между подданныхъ в ыспасяхъ и въ инъшихъ речахъ огъледати; и за працу лавънику оглядного отъ шкоды грошъ; за тымъ жо грошомъ то, што ему оказывано, справедливе подъ прысегою передъ ура-домъ сознавати повиненъ, а посьвет-

чать ли несправедъливе, карати его за слушнымъ доводомъ, яко кривопры-сяжъцу, горломъ; а безчестья лавъ-нику рубль грошей; нижъли отъ по-тягълей и въсякихъ повинъностей съ подданными з волокъ своихъ вызволены быти не мають.

[А р т ы к у л ь] 9. О местахъ и ихъ повинностяхъ. Места упрывильеванные прывильевъ своихъ ужывати будутъ; а которые не вызволены отъ платовъ, мають платити з волоки кгрунту преднего цыншу 50 грошей, а з среднего<sup>7</sup> кгрунту — 40 гр[ошей], съ подлого — 30 грошей, а зо всякого кгрунту за толоки — по 12 грошей; а з домовъ въ рынку отъ прута — по полъ 8 п[е]н[е]з[я], у-въ улицахъ отъ прута — 5 п[е]н[е]зей, зъ огородовъ въ месте отъ прута — полъ 3 пенеся, а з гуменныхъ пляцовъ на передместью отъ прута одинъ пенязь, то ест отъ моркгу 3 грошы; а инъшихъ повинъ-ностей полнити и стацей давати и з листы нашыми и върадниковъ нашыхъ ездити не повинъни. А войту местъ-скому, где пры<sup>8</sup> болшомъ месте, по волоце, а пры меншомъ по полъ во-локи ревизорове нашы давати ма-ють, за што они повинни будутъ порадку<sup>9</sup> въ местехъ и пожит || ковъ нашыхъ<sup>10</sup> прымъножати и догъледати, на подводы складати ся и платити всемъ по тому, яко въ особъливой уставе нашей описано.

Об.

[А р т ы к у л ь] 10. Капщына<sup>11</sup> одна-

<sup>1</sup> На правомъ полъ въ оригиналѣ: „войтовство“. <sup>2</sup> На правомъ полъ въ оригиналѣ: „шнур“. <sup>3</sup> Въ кустодіи на об. листа 3 въ оригиналѣ стоитъ: „пересуду и проезду“. Листъ 4 начинается только словами: „и проезду“. <sup>4</sup> Въ оригиналѣ на правомъ полъ: „межу“. <sup>5</sup> На правомъ полъ въ оригиналѣ: „вина“. <sup>6</sup> На правомъ полъ въ оригиналѣ: „лавники“. <sup>7</sup> На правомъ полъ въ оригиналѣ: „цыншы“. <sup>8</sup> Въ оригиналѣ: „пръ“. <sup>9</sup> Въ оригиналѣ: „породку“. <sup>10</sup> На правомъ полъ въ оригиналѣ: „подводы“. <sup>11</sup> Въ оригиналѣ на правомъ полъ: „капщына“.

кова по всему Великому Князству Литовскому маеть быти брана, то есть одь меду — копа грошей, оть пива — копа грошей, оть горелки — 30 грошей; а пры отбиранию кашъщны и въписыван[ь]ю въ рейстръ, хто ново прыйметь, врадъ не большей брати маеть, только оть меду, оть пива чотыры п[е]нези, оть горелки — 2 пенеи, оть волоки — 12 пенеи; а хто шиньку и волоки не маеть, тотъ оть воротъ — 2 пенеи; а обачывшы лепшый пожитокъ знаймовања шиньку, вольно будеть кому хотя наняти, або тымъ же мешаномъ, за ведомостью подскарбего нашего.

[А р т ы к у л ь] 11. Резники<sup>1</sup> вси въ местехъ нашихъ абы ся въписывали въ рейстръ ревизора, а въ небытности его владу; съ которыхъ на насъ маеть быти брано у кожъдый годъ за камень лою по 15 грошей, а особно на вьрадъ за лопатку оть кожъдого быдяти пенязми дня торгового, то есть за воловую и яловичую — грошъ 1, а за вепровую — 5 п[е]незей, за баранью, коз[ь]ю, телячью — по тры п[е]н[е]зи; а пицого оть камня лою, то есть оть пятнадцати грошей на врадъ по 2 пенеи. Даемъ тежъ вольность всимъ подданымъ нашимъ и чьи кольвекъ будь, абы дня торгового возили до местъ на торгъ мясо<sup>2</sup> всякого быдяти битого, почавшы оть дня светого Болотромея ажъ до Месопустъ; а торговое на врадъ такъ же мають давати пенязми, а большей ничего; а хто бы здохлое<sup>3</sup>, шаленое и вьродоватое на продажу прывозилъ, а то на него слушьне переведено будеть, водъле

права того скарати горломъ, яко оальшера, для чого подданные наши, б[ь]ючы быдла въ селахъ, мають оказывати лавникомъ; а хто кольвекъ мясо на торгъ везеть, тотъ и скуру быдлати забитого зъ собою || взяти маеть для подозрен[ь]я въ злодействе.

Л. 5

[А р т ы к у л ь] 12. Коморники<sup>4</sup> въ местехъ быти могутъ, которые жадныхъ работъ на насъ ани на врадъ нашъ делати не мають, одьно, ижъ торговъ и вольностей местскихъ ужывають, и абы тежъ нихто поблудне а безъ ведомости владу на кгрунтехъ нашихъ не мешкаль, мають давати въ кожъдый годъ до скарбу нашего по 2 грошы; и про то владови мають господары, коморники прыймующы, оповедати для того, жебы межы такими коморники збродня въ местехъ не была.

[А р т ы к у л ь] 13. Корчмы<sup>5</sup> покутъные конечъне по селамъ абы не были для злодейства и иньшыхъ збытковъ, што врадъ забороняти маеть водле статуту; такъ же пива абы нихто съ подьданныхъ нашихъ на селахъ варыти не смель подь виною копою грошей на насъ, бо съ того многіе з нихъ въ роспустность и вьбозство прыходять; ведже въ кожъдомъ войтовстве а въ слушьномъ селе, злаща пры гостиньцу, можетъ быти корчма за ведомостью владу альбо ревизора поставновълена, одно такъ, яко бы капъщызна наша не гинула; съ которое подданымъ нашимъ кгрунттовъ шиньковъныхъ ужывати не забороньно.

[А р т ы к у л ь] 14. Торги<sup>6</sup> ничые

<sup>1</sup> Въ оригиналѣ на правомъ полѣ: „резники“. <sup>2</sup> На правомъ полѣ въ оригиналѣ: „бите быдл.“ <sup>3</sup> На правомъ полѣ въ оригиналѣ: „здохлое“. <sup>4</sup> На правомъ полѣ въ оригиналѣ: „коморники“. <sup>5</sup> На правомъ полѣ въ оригиналѣ: „корчмы“. <sup>6</sup> На правомъ полѣ въ оригиналѣ: „торги“.

новые подле местъ нашихъ ближей трохъ миль ку переказе местомъ и торгомъ нашимъ абы не были, окромъ торговъ старыхъ, — тые по давньому быти мають.

[А р т ы к у л ь] 15. Цыншу з волоки кгрунту добърого — 21 гр[ошъ], з середнего — 12 грошей, съ<sup>1</sup> подлого — 8 грошей, а з вельми подлого, песьковатого альбо блотливого, — 6 грошей; овъса з волокъ доброго и середнего кгрунту<sup>2</sup> — по две<sup>3</sup> бочьки, а съ подлого — одна бочька, а естли пенязми за овесъ будеть казано давати. Об. ино за кожъдую бочьку — пять || грошей, а за отвозъ бочьки кождое — 5 грошей; съ тыхъ же менованыхъ кгрунтовъ<sup>4</sup> съ кожъдое волоки сена возъ одинъ альбо 3 грошы за сено а за отвозъ 2 грошы, а з вельми подлого кгрунту сена и овъса давати не повинъни; нижъли съ кожъдое волоки всякого кгрунту мають давати гусь альбо полътора гроша, куръ двое або пенезей 16, яецъ двадцать або пенезей 4; на неводы грошей два, за стацею грошей<sup>5</sup> полътретя, а коли стацею кажемъ брати, ино одинъ разъ въ годъ за тые пенязи мають давати съ трыдцати волокъ<sup>6</sup> яловицу одъну, бараны два а съ кожъдое волоки по курати и по десяти яецъ, а пенезей вже того году за стацыю не давати. Работа<sup>7</sup> тяглымъ людемъ съ кожъдое волоки по два дни на неделю, а толоки чотыры лете, съ чымъ кажутъ, за што маеть быти отпущина имъ работа о Божьемъ Нарожен[ь]и тыйдень, о Ме-

сопустехъ тыйдень, о Великодни тыйдень; а которыхъ на роботу не надобе, ино ихъ на осаде посадити, и будуть давати съ кожъдого кгрунту осады<sup>8</sup> грошей 30, толокъ 12, або за толоки грошей дванадцать; а за кгвалты перво уставъленные — жыта бочька альбо грошей 10; и въже такіе осадники робити ничего не повинъни, кромъ сена, розделивъшы на войтовства тяглые и осадные сеножати ровъно, и то имъ зробити и въ часъ спратати; а<sup>9</sup> з застенковъ тая повинность, где волока быти не можетъ, отъ моркгу кгрунту доброго — гр[ошы] 3 и пенези 4, а з среднего моркгу — гр[ошы] 3, а съ подлого — гр[ошы] 2, а з наддаръ подлого — полъ 2 гроша, а зъ волоки сеножатное, где могутъ быти дрова и проробьки и сеножати добрые, — 50 гр[ошей], а зъ середніе — 30 грошей, а съ подлое — 20 грошей, а з наддаръ подълое, блотливое або песьковатое, — 15 грошей; а, ижъ вже подданные нашы на тыхъ платехъ и повинностяхъ волочныхъ суть || осажоны и постановены, про то жадныхъ стацей давати ани пойдыймован[ь]я чынити на послы нашы и чужоземьскіе не повинни.

Л. 6

[А р т ы к у л ь] 16. Огородники<sup>10</sup> пры дворехъ нашихъ мають быти, даючы кождому по тры моркги земъли, а имъ съ того служыти по одъному дню въ тыйдень пешо, а жоны ихъ лете не большъ, одно шесть дней до жънива альбо до полотья будуть повинъни.

<sup>1</sup> На правомъ полѣ въ оригиналѣ: „цыншы“. <sup>2</sup> На правомъ полѣ въ оригиналѣ: „овъсы“. <sup>3</sup> Въ оригиналѣ: „дле“. <sup>4</sup> На правомъ полѣ въ оригиналѣ: „сено“. <sup>5</sup> На правомъ полѣ въ оригиналѣ: „невод“. <sup>6</sup> На правомъ полѣ въ оригиналѣ: „стацея“. <sup>7</sup> На правомъ полѣ въ оригиналѣ: „робота“. <sup>8</sup> На правомъ полѣ въ оригиналѣ: „осады“. <sup>9</sup> На правомъ полѣ въ оригиналѣ: „застенки“. <sup>10</sup> На правомъ полѣ въ оригиналѣ: „огородники“.

[А р т ы к у л ь] 17. Овьсы дякольтные подданные наши волостные з волокъ мають отъвозити<sup>1</sup> до Вильни, до лововъ, до портовъ и до инъшыхъ дворовъ нашихъ, где кажемъ, за 20 миль, а сено за 15 миль; а къ тому ещо сена дворного<sup>2</sup> съ кожъдое волоки по возу одъному отъвезти повинъни, где<sup>3</sup> имъ будетъ розказано; а коли дворныхъ сенъ и овсовъ съ потъребу на наши кони быти можеть, тогды пенязми сено и овесъ заплатити<sup>4</sup>; а, отъдаючы овсы дякольтные, не мають въ иншую меру, тол[ь]ковъ бочку<sup>5</sup> давати, въ которой чотыры корцы Краковъскихъ, подъ стрыхъ, безъ верху и топътанья, а болшей имъ не надобе платити, только вписного въ рейстръ отъ бочки овъса пенязъ; и много хто откуль сенъ и овъсовъ прыйметъ, маеть съ того квитовати, не беручы за квитъ ничего; а, коли сенъ и овъсовъ потъреба наша укажеть где [и]н[де] кол[ь]ве провадити, таковыя далекости, яко вышей описано, до порту и инъде до дворовъ и лововъ, о томъ за часу, о Светомъ Болтromeю отъ насъ альбо з скарбу черезъ листъ ведомо учынити врадникомъ нашимъ. А съ того не вымовляти ся всеимъ подданнымъ нашимъ въ Жомойти и съ Подляское земли. А, ижъ за отвозъ овъса платять подданные од двухъ бочокъ по 10 грошей за 20 миль, то за кожъдую милю прыйдетъ по полгрошъку; тогдытаковыя, хто до Вильни, ал[ь]богде кольве, уставичъне овъсовъ не возять, а будетъ на то розказанье наше, ино

Об.

колько миль до порту, альбо где || инде провадити будутъ тотъ овесъ, такъ много имъ зъ отвозовыхъ пенезей отпустити, за милю отъ кожъдое бочки по полътретя п[е]н[е]зя, а остатъкомъ

тыхъ пенезей отъвозовыхъ наймовати судины на отпровожен[ь]е водою такихъ овъсовъ до Вильни, альбо где потреба наша укажеть. А которіе уставичъне овъсы возять, ино и того останку отвозовъ на нихъ не брати.

[А р т ы к у л ь] 18. Серебщызна на подданныхъ нашихъ абы николи отъ лововъ и клячъ не брана, одно з волокъ, одънако съ кожъдое, не ужываючы розности кгрунтъу доброго и подлого; а з Рускихъ волостей серебщызна по сътарому и тамъ, где померы нетъ.

[А р т ы к у л ь] 19. Робота подданнымъ черезъ войта маеть быти заказана дня неделного, съ чымъ и на который день волость до работы прыйти мають; а войтъ того жъ дня людемъ закажеть роботу, и который человекъ не выйdetъ на роботу, ино за первый день огурного заплатитъ грошъ, а за другій день барана, а коли и тьретій разъ огурыть ся або за пьянствомъ не выйdetъ, ино бичомъ на лавъце скарати, а дни повинъные заробити; а ведже, где бы з якое прыгоды не могъ подданный выйти на роботу, онъ маеть черезъ суседа альбо лавъника владу оповедати, а врадъ, порозумевъшы слущной прычыне, не маеть его некоторою съ тыхъ виною казнити, а инъшого дня заробити повинъное, што змешъкаль, а не откупати ся отъ работы никому. Пустыхъ волокъ подданнымъ не пахати; а который, не вписавъшы ся въ рейстръ, смееть то вчынити, збожъе до гумна нашего тратитъ и вины рубль грошей до скарбу нашего заплатить. А становити ся ку работе подданнымъ, якъ слонце всходитъ, а зыйти,

<sup>1</sup> На правомъ полѣ въ оригиналѣ: „овъсы“. <sup>2</sup> На правомъ полѣ въ оригиналѣ: „вожене“. <sup>3</sup> На правомъ полѣ въ оригиналѣ: „сено“. <sup>4</sup> На правомъ полѣ въ оригиналѣ: „вожене“. <sup>5</sup> На правомъ полѣ въ оригиналѣ: „бочки“.

Л. 7 якъ заходить; а отъпочывъку тымъ, што з быдълomъ робять, передъ обедомъ година, въ полудню година, надъ вечоромъ година; а которіе пешо робять, тымъ отъпочывъку и въ тые часы, одно по полгодини маеть быти; а то || лете на великомъ дни отъпочынен[ь]е; а хто рано на роботу не выйдець за огурствомъ, таковой другого дня только часу, якъ омешкаль, заробити маеть.

[А р т ы к у л ь] 20. Олварки хочемъ мети, абы везде становены, яко наболшы быти могутъ, пры каждыхъ замъкохъ и дъворехъ нашихъ, окромъ где бы кгрунты злые и непожыточныя были,—таковые казати людми осажати, зоставивъшы на вѣрадъ въ кожъдомъ поли по одной волоце; а то врадъ огородники и своимъ быдломъ заробити маеть, а къ тому моркгъ земли на огородъ, съ чога личьбы чынити и платити не повиненъ. Урадъ нашъ гумъно въ пильной опатрности мети маеть, яко бы въ немъ ни въ чомъ шкoды намъ не было, а збож[ъ]я ужат[ь]я всякого маеть мети на себе третій снопъ, отъдавъшы первой десетину и засеявъшы пашню нашу; а умолоты всякого збожъя ревизорове наши у-во всихъ гумънахъ пры дворехъ нашихъ пробовати мають, и того догъледати и научити, абы везде з выбоемъ и безъ опилку збожъя молочоны были. А продаванья збож[ъ]я гуменного маеть быти на личьбе прынато, по чому вранникъ положить, яко продавалъ; для того и дъля всихъ подданныхъ мають быти бочьки въ местехъ торговые, въ дворехъ и гумънахъ нашихъ, въ селлахъ и на всихъ гостинцахъ, одънакое меры, по чотыры корцы Краковскихъ, которыхъ корцовъ на тотъ часъ десеть

въ полубочьку Виленскомъ; и тоу жъ мерою продавати и засевати пашню з гумъна и подъ клеймомъ<sup>1</sup> однакимъ такіе бочьки держати. А въ гумънехъ нашихъ маеть быти гуменникъ, подданный нашъ, въ той жо волости оселый, чоловіекъ добрый, справный, не подозранный, который на тую службу гуменную маеть мети волоку, отъ цыншовъ и въсякихъ иныхъ платовъ, работъ || и повинностей вольную. А около засеван[ь]я пашни урадъ маеть пильность чынити, абы вси засеваны; а гдѣ бы который за небалостью не засеяль альбо<sup>2</sup> тежъ пашню кому наймоваль, а то бы ся слышъне передъ ревизоромъ оказало, таковой маеть дати съ кожъдого моркгу незасеяного або кому нанятого по десети копъ збож[ъ]я, о чомъ съ пильностью ревизорове мають ся доведывати отъ войтовъ, лавъниковъ и инъшихъ подданныхъ нашихъ; ведже, где бы въ которомъ году невѣрожай былъ, а такъ много, чымъ бы пашню засеяль, не нажалъ, маеть о то по науку послати до подскарбего нашего за часу, а подскарбій маеть ему казати старымъ збож[ъ]емъ засевати; а гдѣ бы не было, за п[е]н[е]зи цыншовые куповати альбо з ыншого двора прыбавляти, абы ся тымъ николи пашни наши не зменьшывали; а зъ гумъна нашего жыта въ отсопъ не давати, одно летъ голодъныхъ, и то<sup>3</sup> алижъ з нашимъ альбо подскарбего нашего листомъ; а дати то на волю подданныхъ, усхотятъ ли у копахъ альбо молочонымъ жытомъ брати. Евъи<sup>4</sup> тежъ, где бы врадъ розумяль непотребные, маеть з гумна нашего выкинути, кды жъ на быдло и на стадо солома отъ збожъя не з евъи молочоного пожыточнейшая есть; а гдѣ бы евъи мети потреба, тамъ

Об.

<sup>1</sup> Въ оригиналѣ: „клейномъ“.

<sup>2</sup> На правомъ полѣ въ оригиналѣ: „засеяне“.

<sup>3</sup> На правомъ полѣ въ оригиналѣ: „отсопъ“.

<sup>4</sup> Въ оригиналѣ на правомъ полѣ: „евъи“.

оподаль стодоль и стирть у гумънехъ нашихъ и подданныхъ для небезпечности отъ огня мають быти вделаны. А на заробене пашъни на кожъдую волоку абы было оставлено по семи волокъ оселыхъ подданныхъ нашихъ з волю и съ клячами, побълизу двора и пашъни, которые по два дни въ тый-день службы мають съ чимъ урадь роскаже[ть].

Л. 8 || [Артыкулъ] 21. О оборе быдла всякого и о рыкуньяхъ. При кожъдомъ еолварку нашомъ хочемъ мети дворнички, то естъ рыкуньи порадыные, которымъ<sup>1</sup> на рокъ за працу ихъ з нашихъ пенезей по две копне грошей маеть быти давано отъ ураду а търы бочъки жыта з гумъна нашего, а четвертая съ третего снопа врадничого на выхованье, для чого пры кожъдомъ еолварку<sup>2</sup> нашомъ мають ховати прынамъней до двадцати коровъ; а естъли бы такъ много не было, ино з гумежныхъ п[е]незей купити, колько можетъ который дворъ выховати, и то передъ ревизоромъ оказати, и маеть врадъ въ дойзренью и доброй опатрности быдло дворное мети. А до скарбу нашего отъ коровы дойное не большей платити, тол[ъ]ко двадцать грошей, а отъ овъцы старое за волъну на рокъ одинъ грошь, а отъ молодое по полугрошъку, а прыплодки въ рейстръ писати и ведомости пры личбе чынити. А где дойные овъцы и козы быти могутъ, маеть съ таковыхъ ревизоръ платъ становити, а врадъ дворничокъ къ тому прымушати маеть, абы и съ того пожитокъ былъ, кгда жъ то на многихъ мес[т]-цахъ за добрымъ дозрен[ъ]емъ быти можетъ; а где бы ку рыкуньи невестъ альбо девокъ была потъреба, то реви-

зоръ постановити маеть водле великости быдла, которымъ урадь съ п[е]-н[е]зей нашихъ наемъ платити маеть; а, старое быдло, скопы и козлы прадаючы, пенези до скарбу нашего отъдавати, а згожое, а зълаща поблизу, до кухни наше отъсылати. А которое быдла здохнетъ, ино за скуру воловую пять грошей, за коров[ъ]ю 3 грошы, а иншого дробного быдла здохлого скуръ не пълатити въ скарбе, нижъли, сверепъ стадныхъ скуръ не пъродаючы, оказывати конюшому нашему дворному. А то все ревизорове мають въ бачности мети и на мествцу пры пописыванью обору въ рейстра писати для того, абы не было забавенье пры личбе.

|| [Артыкулъ] 22. Огороды дворные абы были везде розмероны, съ которыхъ врадъ маеть дати до скарбу съ кожъдого моркгу по 12 грошей; а съ конопель дворныхъ вжо не повинно неводовъ робити; а естъли бы огородныхъ речей до кухни наше потъреба была, тогды то врадъ маеть отъсылати, где будетъ росказап[ъ]е наше, а пенязми вже не будетъ повинень платити.

Об.

[Артыкулъ] 23. Врадники наши, обробривъшы ся отъ пашъни у-въ осень и на весне, ставы и сажавки подданными будовати мають, а п[е]незей гуменныхъ и за рыбы и съ продаван[ъ]я старого быдла браныхъ можетъ выдати до двадцати копъ на наемъники и на грабары до такое роботы; а коли ревизоръ прыедеть, тую роботу и накъладъ ему окажетъ; а гдѣ бы мествце на ставъ большого накъладу потъребовало, то ревизоръ, огъледавъшы, маеть намъ поведити, а зъ нашего росказап[ъ]я

<sup>1</sup> Въ оригиналѣ: „которой“.

<sup>2</sup> Въ оригиналѣ: „еолварку“.

будеть справовати таковыя ставы; а за працу враннику — съ кожъдого ставу пры спусте десятая рыба; нижели не спущати ставовъ безъ нашего веданья; а въ спустныхъ ставехъ вранъ и ниhto ины ниякою сет[ь]ю рыбъ ловити не мають подъ каръностью срокгоу; а гдѣ пры ставехъ могутъ быти млыны и еолоше, альбо млыны на руду, маеть вранъ казати будовати звычайемъ тымъ, яко ся заховываетъ, намовивъшы ся з ревизоромъ а млынаркомъ, — третей мерка з млива и волоку одъну давати, а дѣве мерки на пожитокъ скарбу нашего, и съ тое третее мерки повиненъ млынаръ до работы млына и спустовъ мистромъ быти, и опъравовати и кгвалтовъ стеречи, и съ помочью подданныхъ гамовати железа, и вѣси потъребы до млына своимъ накладомъ маеть справовати, а з волоки до замъку альбо двора, которому посылушонъ, одинъ день въ тыйденъ тесельскою работою служити; а который млынаръ въ злодействе будетъ досветчонъ, таковой маеть одъпадати права млынарского и отъ млына, а ведже олижъ з явного суда поконанный; а гдѣ бы што вонтпливого въ таковомъ суде

Л. 9 около справы млынарское || было, маеть вранъ иныхъ млынарковъ къ тому везвати и, възявъшы порозуменье отъ нихъ, такъ млынара отъсудити.

[А р т ы к у л ь] 24. Сена з дворныхъ сеножатеи на вранъ нашъ даемъ пятый возъ, такъ же пятую стирту альбо оборогъ, ровъно кладучы нашъ и врандовый; але вранъ маеть съ пыльностью прычиняти ся, абы сеножати дворные не залегали и заросълые выпъравованы и въ часъ покошоны были; а гдѣ бы иначе, а намъ бы въ томъ шкода ся деяла, тогды маеть то намъ нагородити з своего пятого

воза, чого ревизоръ пыльне дозрети маеть.

[А р т ы к у л ь] 25. Гдѣ кони въ дворехъ нашихъ стоять, ино, што на тые кони и машталеры пры нихъ выдано будетъ, яко въ нашемъ альбо конюшого нашего листе обърокъ имъ на тийденъ описанъ будетъ, за къвитомъ машталерскимъ, подъ печатью шляхътича, чоловека доброго, одъного, альбо двухъ, на личъбе прыняти; ведже вранники наши мають въ дозренью своимъ мети, абы овъсы и сена на сторону не шъли, а пры нашихъ конехъ машталеры своихъ коней не ховали бы; а гдѣ посланецъ нашъ пры конехъ будетъ, тогды одъ того зъ его печатью, а не отъ машталера, къвить взяти; и што бы тежъ вранъ на узъденицы, попонки и на иншы потъребы коней нашихъ пенезей выдалъ, а то на квите посланца або машталерскомъ окажетъ, и то такъ же на личъбе ему прыняти.

[А р т ы к у л ь] 26. О листехъ на данину. Абы и тымъ, кому што з ласки наше бываетъ дано, трудности пры чыненью личъбы не чынено, про то, кому што отъ которого двора нашего дадимъ, державца або тивунъ оный листъ нашъ, за которымъ поступить даное, маеть въ рейстръ свой уписати, и, кгда пры личъбе окажетъ, то маеть быти прынято; а ведже подскарбий о таковыхъ данинахъ маеть въ канцлярии нашей ведомость брати, и, естли не згодить ся копея того листу з метрыкою канцлярийскою, повиненъ будетъ вранникъ шкоду намъ опъравити або оный листъ, за которымъ || поступилъ, ока-

Об.

[А р т ы к у л ь] 27. Платы, серебрящны и вѣси иные доходы съ подда-

ныхъ нашихъ отъ ураду и ихъ наместниковъ нигде инде не мають быти браны, тол[ь]ко въ дворехъ нашихъ, а где дворовъ нетъ, ино въ местехъ або на селе, на одьномъ местьцу, въ господе, не поеждчаючы и не посылаючы на села ани въ дома войтовъ, подь ласкою нашою, чого ревизорове съ пильностью доведывати ся мають. Которые цыншы и въсякіе платы подданные во въсихъ замькохъ и волостяхъ нашихъ мають почати давати до враду своего на Светый Михаль, и такъ будутъ отдавати за напомианьемъ войта своего ажъ до Светого Мартина, кождый пры своемъ войте. А хъто не отдасть до менованого дня, войтъ за росказан[ь]емъ вранничымъ маеть такого ставити передь урадомъ, а врадъ, доведавшы ся, есть ли, могучы заплатити податокъ, за недбалостью не пьлатитъ, маеть его до везен[ь]я осадити, поколь заплатитъ, а децкованья не бьрати на немъ, тол[ь]ко одинъ грошъ поколодного; а воловъ и коней за цыншь и ни за што иного не грабити николи. А который человекъ не можетъ податку заплатити за тыми прычынами, то есть за пожегою, за вымеретьемъ, або за хоробою всего дому, за голодомъ, за побит[ь]емъ граду и за вбоствомъ, такового кгда войтъ посьтавить, урадъ, отъ войта, лавьниковъ и суседовъ его того ведомость вземшы, и ещо маеть зосьлати до его дому доведати ся досьтаточне, и справедливе ль то, такового маеть въ рейстръ уписати и пры личьбе въ скарбе оповедати, за корою прычыною не могъ выдати, а подскарбій нашъ пры личьбе маеть отложить на выведенье ревизора; который ревизоръ того жъ году, которого личьбы почынають ся, маеть быти посланъ и выведен[ь]е чинити отъ войтовъ и подданныхъ, суседовъ оного, хто не выдалъ; а дове-

давшы ся такъ невыданныхъ платовъ, яко и волокъ пустыхъ и въсихъ речей, што бы з личьбы на къвитехъ до выведыванья описано, и въжат[ь]я гумьна въ томъ лете, маеть свой листъ дати, чого ся доведаеть коло рештъ, з личьбы оставеныхъ, а тотъ листъ его будетъ мощный, яко || и ськарбный квитъ, въ той речы, и на другой личьбе въ скарбе за оказан[ь]емъ того листу ревизорского маеть быти прынято все, што въ немъ описано; а часу выбран[ь]я доходовъ долговъ своихъ ни хъто на подданныхъ нашихъ отьправовати не маеть.

Л. 10

[Артыкулъ] 28. О днехъ, личьбамъ назначоныхъ, и о писарехъ скарбныхъ и абы врадъ п[е]н[е]зей при себе не задерживалъ. Къ тому хочемъ мети, абы вранники въ пожитькохъ нашихъ такъ заховали ся, а платы и доходы, што кольвекъ можетъ быти выбрано, отдавали въ скарбъ нашъ, первой свята Божьего Нарожен[ь]я, а, отдавшы п[е]нези, маеть взяти квитъ подскарбего ку личьбе альбо скарбного, за который квитъ не мають болшей брать въ скарбе, тол[ь]ко два грошы; а можетъ ли и личьбу учинити на тотъ же часъ, маеть быти слуханъ, и по личьбе, чого справитъ ся, квитовати такового; а пенези и личьбу отбирати на замьку нашомъ, где домъ з росказанья нашего усказанъ будетъ; а брати личьбу по рейстрахъ и уставе ревиорской, а тамъ, где ревизоръ не былъ, ино по первой уставе.

А певные часы вранникомъ всимъ чинити личьбу складаемъ: отъ Нового Лета напервей личьба почынаеть ся генъвара дня перьвшого зъ земъли Жомойтское, съ тивуньствъ и з державъ тамошнихъ, то есть съ Плотель, съ Телшъ, з Биржанъ, з Биржеянъ,



съ Тверы, з Кгондиньки, з Дирванъ обоухъ половиць, зъ У[ж]веньты, з Ретова, з Шовъдовъ, съ Пожоря обоухъ половиць, з Вешъвень, зъ Ойраколы, съ Коршова; а доконають ся дня 15 того жъ м[есе]ца.

Шестнадцатого дня генвара почънуть ся личьбы з Велены, съ Керстомони, з Росейны, з Ясвоини, з Вилькеи, съ Крожъ, з Ботоъ и зо въсее волости Упитъское, кгда жъ тамъ оолварковъ нетъ; а доконають ся дня первого еевъраля.

Об. Второго дня еевъраля почънуть ся личьбы з восковъничого Виленского, съ ключа Луцького и зо въсехъ мытъ Волинъскихъ и Подляскихъ, || Рускихъ, съ корчмами, съ Ковенскихъ мытъ и Жомойтскихъ; а доконають ся личьбы 23 дня, у вилею Светого Матея.

А по томъ еевъраля дня 24 почънуть ся личьбы зъ замъковъ и дворовъ Троцъкого повету, з Берестья, з Милейчычъ, з Мельника, з Лосичъ, з Дорогичына и съ подымъного, съ Каменца, з Городка, з Высокого, съ Тыкотина, съ Кнышына, зъ Забеля; а доконають ся до дня шостого марца.

Семого дня того жъ м[есе]ца марца почнуть ся личьбы зо Мъстибогова, зъ Зельвы, з Волпы, з Волковыска и зъ войтовства тамошънего, з Лыскова, з Межыреча, зъ Слонимъского старостъва, з Лососиное, з Байкевичъ; а доконають ся марца семогонадцать дня.

Того жъ м[есе]ца осмогонадцать дня почънуть ся личьбы з Белицы, зъ Ожы, съ Перелома и зъ неводницствомъ, съ Перевалки, з Василишокъ, з Острыны, з Мереча и оолварковъ тамошънихъ, съ Коневы, з Дубичъ, з Радуни, з Ейшышокъ, з Воранъ, з Волкиникъ и Лепунъ; а доконають ся марца 28 дня.

Того жъ м[есе]ца 29 дня почънуть ся личьбы зъ Олиты, съ оолварковъ и

неводництва тамошънего, з Симъна, з Бирштанъ, зъ Дорсунишокъ, съ Ковна, з Румъшышокъ, съ Кормялова, зъ Сомилишокъ, з Жыжморъ, зъ Жослей, съ тивунъства, городництва и съ ключа Троцъкого, съ капъщызны места тамошънего и съ капъщызны места Городенского; а доконають ся личьбы съ Троцъкого повету до дня 7 апрыл[я].

Осмого дня м[есе]ца апреля почънуть ся личьбы зъ замъковъ и дворовъ повету Виленского, зъ Брасълавля, зъ Опсы и з неводницствъ тамошънихъ, з Дисенъ, з Довъкяглишокъ з неводницствомъ, з Ляховичъ, зъ Аины, съ Красъного Села, з Маркова, з Мядела, з Лебедева, з Дуниловичъ, зъ Ушъполь, съ Пенянъ, зъ Абелы, зъ Утяны, зъ Оникштъ, || з Вилкомиря, з Воложына, з Болникъ; а доконають ся того жъ м[есе]ца 21 дня.

Апреля 22 дня почънуть ся личьбы з Лиды, съ Трабъ, з Кгераноинъ и съ оолварковъ, съ тивунъства, з неводництва, з городництва, съ ключа и съ капъщызны Виленское, съ капъщызны Новгородское и отъ права Майдемъборского тамошънего, съ капъщызны Церынского и места Менского, съ Крева, з Ошъмяны, з Медникъ, з Любова, з Раканътишокъ, з Виршупъ и з млына Виленского; а доконають ся личьбы повету Виленского мая 5 дня.

Шостого дня м[есе]ца мая почнуть ся личьбы з волостей Рускихъ, напервей з Речыцы, з Мозыра, з Бобруйска, съ Чычерска, съ Пропойска, зъ Омъстиславля, зъ Оръшы, з Любеча; а доконають ся 18 дня того жъ м[есе]ца.

Девятогонадцать дня мая почънуть ся личьбы з Гомтя, зъ Глуска, з Могилева, з Свислочы, з Борысова, з Любошанъ, отъ права Майдемборского и з бобровницства Полоцкого; а докона-

ють ся личьбы з волостей Рускихъ остатънаго дня того жъ м[е]сеца мая.

А иныя дворы, которыя кгда будутъ влучоны въ тую справу, мають ити въ личьбе тыхъ дней и въ тые жъ поветы назначоны, каждый ку которому належыть; въ тыхъ часехъ, назначонныхъ личьбы, маеть кажъдый урадникъ первого дня, яко которымъ деръжавамъ описано, ку личьбе становити и оказати ся подскарбему нашему, а подскарбій маеть росказати писаромъ скарбнымъ отпраовати и личьбу брати, ничымъ не задержываючы. И про то хочемъ мети два писары скарбныхъ на прыймован[ь]е личьбы, которыя ижъ бы одностайне, одънакою моц[ь]ю и згодливе брали личьбу, кому подскарбій отпраовати роскажетъ, пыльне догъледаючы пожитковъ нашихъ, а маючы рейстра прошлое личьбы, и, въ чомъ бы вонтпливость альбо шкodu бачыли, не мають того никому замолчывати, але || подскарбему оповедати, а подскарбій намъ; и во всемъ посълушенство абы чынили ку подскарбему и въсякіе справы нигде индей, одъно ку нему, доносили, такъ же и рейстра личьбъ, съ одного складаючы, ку подскарбему прыносити мають. А безъ ведома подскарбего, яко писары личьбы, такъ и скарбныя пенезей прыймовати не мають. А за квиты абы болшей не брали д[ь]яки скарбныя, тол[ь]ко по 12 грошей. А не даючы розныхъ квитовъ, вси доходы и пожитъки одного двора съ оолварки а по томъ гумъно со въсьмъ господарствомъ на одномъ выписати, и, въ чомъ бы ся усправедливилъ прошлое личьбы, што на ревизора оставлено было, со въсего одинъ квитъ; въ тыхъ же квитехъ описывати, где, въ которомъ ураде што прыбавлено, а што зменшало пожитковъ. А за писанье квитовъ

<sup>1</sup> Въ оригиналѣ: „назначоны“.

ихъ д[ь]яки не мають болшей брати, только 2 грошы, хотя бы на аркушу цаломъ и болшей былъ; то всего за одинъ квитъ грошей 14. А надъ то таковымъ писаромъ скарбнымъ з ласки наше зъ скарбу давати на годъ за ихъ службу и на страву, каждому з нихъ, по сту и шестидесять копъ грошей, по пятнадцати локотъ одомашьки, а на ихъ слуги и дьяки обеюмъ по поставу сукна колтрышового. Тые жъ писары скарбныя не мають ся забавляти своими потъребамы на тотъ часть, личьбамъ назначонный<sup>1</sup>, абы ничымъ предлужен[ь]е и омешкан[ь]е не было въ отправе личьбы; а естли бы который своими потъребамы альбо вымыслы которыми день личьбы не беручы, альбо личьбу писары скарбныя и скарбный п[е]нези безъ воли и ведома подскарбего прыймовали и, посълушенства ку старшому своему не чынячы, намъ чымъ забавенье въ скарбныхъ делехъ, што бы належало черезъ подскарбего доносити до насъ, а самъ доносилъ, въ чомъ коли будетъ дознавъ, ижъ, вымышляючы пожитокъ, то себе чынилъ и предлужылъ личьбы, то намъ объявити || подскарбій виненъ; а мы, вины его дознавъшы, съ тымъ учынимъ, што будетъ воля наша. Ведже то все, што бы они видели и розумели шкодного въ пожитъкохъ и потъребного ку ведомости нашей, кгда подскарбему объявити, подскарбій намъ об[ъ]явити виненъ, а на што будетъ воля наша, то имъ озънаймити, а они по тому, яко имъ подскарбій именовъ нашимъ роскажетъ, мають справовати ся; а где бы подскарбій того занехалъ, а намъ не оповедаль, тогды тые писары наши мають то намъ доносити и оповедати, водле прысяги своея и повинности ку намъ, пану своему.

То тежъ опатруючи, абы нихъто платовъ нашихъ пры собе не задер- жываль и личьбу чынилъ на часы на- значоные, про то такъ посъстановля- емъ: съ которого бы владу п[е]н[е]зи до Бож[ь]его Нарожен[ь]я въ скарбъ нашъ не отъданы, таковому владни- кови, якого стану будь, по Божьемъ Нарожен[ь]и подскарбій, оповедавши намъ, а з волею и за листомъ нашимъ, маеть увосълати дворанина в ымен[ь]е его, што бы за оную суму стояло, и, естли засътавить въ суме альбо ку которому дворови прылучить, маеть ся въ томъ водле росъказан[ь]я нашего заховати; а въже таковымъ вымова не будетъ пуцона на съпустошен[ь]е, зго- ренье, вымерет[ь]е и въбозство на во- локахъ подданныхъ, але, всю суму сполна алижъ запълатить, то жъ именье з рукъ въ засътавника возметь. А кгда бы маетьность его за то не стояла, а безъ бытъности наше, ино подскарбій его загамовати маеть до науки наше, альбо поколя оную суму всю спольна запл- латить, а то для того, же въ недба- лость речъ нашу господарьскую и земъ- ского скарбу положылъ, а недбалъ того, што кол[ь]ве бы брати могъ, кгда жъ на уставе описано неможнымъ, хто бы не мель чымъ запълатити, абы объ- тяженье не было, про то на комъ не могъ взяти, маючи такъ много || часу замереного, мель его въ рейстръ упи- сати, а, што выбралъ, то было отъда- вати передъ рокомъ и дѣбати въ речы скарбу нашего; а далее то будетъ на воли нашей, што съ такимъ недбалымъ владникомъ чынити; где бы тежъ ко- торый урадникъ личьбы на часъ на- значоный не пильноваль, хотя пенези въ скарбъ давшы, ино, посътерегаючи свовол[ь]ное недбалости, ижъ великое затъруднен[ь]е въ скарбе дееть ся, же

<sup>1</sup> Въ оригиналѣ: „прыходы“.

рокъ въ рокъ личьбами уходить, для того по выштю менованого часу личьбе того повету, въ котормъ оный врадъ лежыть, маеть подскарбій, такъ жо за ведомостью и листомъ нашимъ, в ыме- н[ь]е недбалого увослати и въвезати ся за всю суму, зъ ураду его до скарбу належачую, и такъ долго дер- жати тое именье и пожытъки з него до скарбу чынити, олижъ личьбу вчы- нить и справить ся всего зъ ураду своего; а то чынити и въсылати въ таковыхъ имен[ь]яхъ, не продолжы- ваючи, але борздо после року и часу менованого, а кгда увязанье дойдетъ, оный недбалый не можетъ личьбу чынити, олижъ всехъ иныхъ личьбы того року доконають ся, то жъ его слу- хати въ личьбе будутъ, а што з личьбы пры немъ найдеть ся запълатившы, именье возметь; ведже хто бы съ прыгоды<sup>1</sup>, згубы альбо згорен[ь]я рей- стровъ, смерти и хоробы служебника, который платы отъбиралъ, альбо самъ владникъ зымъреть, жона або дети зо- стануть, и за иными квалтовными пры- годами не могутъ пенезей первой дня на- значоного въ скарбъ дати альбо личьбу чынити, предъ ся маеть стати на часъ назначоный кождый альбо черезъ листъ оповедати прыгоду подскарбему, такъ же змерлого жона або дети, а подскар- бій, порозумевшы прычыне вышой ме- нованой, або хотя бы и не менована, одно слушна, маеть ознайти и зъло- жыти ему часъ ку даванью п[е]н[е]зей альбо ку личьбе, не даючи увязан[ь]я, а того вже часу не омешъкати подъ обовязкомъ веру помененомъ.

|| [Артыкулъ] 29. О ревизорехъ, Л. 13  
мерникохъ, о померы волочной и о селидбахъ подданныхъ. Ре- визоры мають быти прысяжные, люди

добрые, сумъненья побожьного, оселые, а не голоты, въ помере волочьной и въ господарстве добре умеетные, абы вмелъ всего достаточне и справедливе выведати и въказати пожитокъ нашъ вradoви, въ чомъ можетъ прычинити; тежъ ревизоръ маеть догъледати, а съ пильностью доведывати ся, абы никто з шляхты и подданныхъ нашихъ въ пущахъ на власныхъ кгрунтехъ нашихъ проробъковъ не чынили и никакъ не пърывлащали, и оповедати намъ такъ недбалого вradника, въ чьемъ бы ся то ураде деяло. Тые жъ ревизоры мають догъледати, абы отъ мерниковъ селидбы назначываны въ третемъ середнемъ поли, а где бы мерникъ того не въчынилъ, тогды самъ ревизоръ маеть назначыти селидбы, а върадъ маеть съ пильностью прымусити подданныхъ селити ся на местъцахъ назначоныхъ, чого тотъ же ревизоръ маеть догъледати и въсихъ справъ господарства вradового, естли слышъне а радне справують ся, а нерадного и такового, который бы ся не водле уставы и росказан[ь]я нашего справовалъ, маеть ревизоръ подъ тою жъ прысягою, которую<sup>1</sup> обовязанъ, не закърывать, але намъ оповедати и довести того на него, а мы учынимъ съ тымъ, што ся слышъного намъ повидитъ. Ревизоръ, где бы въ ревизыи его помера ещо не дошъла або не порадная была, маеть мети до кожъдого двора одного слугу, къ тому [мерника] одъного, черезъ которыхъ померу справовати будетъ, а плату такому слуге на годъ по десети копъ грошей зъ скарбу нашего; а отъ померы знову альбо перемеренья брати мають по десети грошей съ кожъдое волоки, а гдѣ бы тол[ь]ко поправовалъ — 2 грошы отъ волоки; а такovyе мерники || естли бы ся неслышъне спра-

вовали и лениво, для своего пожитку мерили, за то ревизоръ самъ маеть отъповедати; естли бы тежъ до кол[ь]ка дворовъ нашихъ потъреба мерниковъ, ино одного уставити и дати тры волоки ему вол[ь]ныхъ отъ всихъ повинностей, къ тому войтовъство одъно, а то вчынити за нашимъ ведомомъ; а неиный хто обирати маеть такovyхъ мерниковъ, одно ревизоръ; а гдѣ помера пойдетъ, мають мерыти всякй кгрунтъ куплений и заставъный, кды жъ кметъ и вся его маетьность наша естъ; а писати кгрунтъ, яко велики волоки вдложъ и поперокъ на которыхъ местъцахъ, и, естли бы съ прычины лихого кгрунтъу наддавъки чынили, то мають пры томъ же описывати; а где могутъ быти волоки прогоняные, мерыти въ тры поля, въ кожъдое поле 11 моркговъ, то естъ у волоку 33 моркги з наддавъкомъ; а не могутъ ли быти прогоняные волоки съ прычинъ розныхъ, ино моркговати; а гдѣ безъ землянскихъ кгрунтъовъ не выпростують ся, такovyе земли беручы, нашими кгрунтъы мають отъдавати, где бы земляномъ споручку ихъ именьямъ, и ровъно, якимъ кгрунтъомъ возметъ, и колько такихъ, и такъ много отъдати; а гдѣ бы ся ровъный кгрунтъ на отъмену не травилъ, ино за волоку кгрунтъу преднего среднимъ кгрунтъомъ полъторы волоки дати, а за среднего кгрунтъу волоку подлымъ две дати, то то вчынить за волоку кгрунтъу преднего подлого кгрунтъу тры волоки; а гдѣ наддаръ подлымъ, блотъливымъ або песьковатымъ, кгрунтъомъ прыидеть отъмену давати, то даемъ на пильное уваженъе ураду нашего, ревизора и мерниковъ, абы намъ и оному, въ кого берутъ, шкода не была, для чого отъмена абы не была безъ ураду

<sup>1</sup> Въ оригиналѣ: „которую“.

давана; але, хто бы таковое отмены за упоромъ прыймовати || не хотелъ, мають zostавити таковую отмену, уписавъшы до книгъ оного жъ ураду нашого, а врадъ маеть напоминати его о бранье отмены, на чомъ естли бы не переставаячы и намъ не объжаловавъшы, упорне стени волокамъ и гьраницы казилъ и въ оный кгрунтъ, въ померу взятый, уступоваль ся, того врадъ нашъ маеть моцно боронити альбо правомъ квалту на таковомъ позыскивати. Ревизоръ и мерники мають на то бачность мети, абы ку прылеглимъ замькомъ и дьворомъ села и въсякiе кгрунты наши прылучали, яко ку которому двору ближей а споручь, а ведже такъ, ижъ бы можьности и шырокости врадовъ тымъ таковымъ переменян[ь]емъ въ подданныхъ и кгрунтыхъ не зменьшывало. Тые жъ ревизоры и мерники мають ся доведывати посьполу з урадомъ оть войтовъ и лавьниковъ и подданныхъ о земляхъ и въсякихъ кгрунтыхъ нашихъ затаеныхъ, або оть кого кольве забраныхъ, и то намъ, господару, доносити и оповедати водле присяги и повиньности своее.

[А р т ы к у л ь] 30. Всеи врадники наши сами особами своими мають бывати на врадехъ своихъ въ часъ прыеханья ревизора, кромъ пановъ радъ нашихъ альбо тыхъ, которые поселствы и иньшими посылугами нашими альбо потьребами речы посьполитое обовязаны; ведже таковыи врадникомъ альбо намьстьникомъ своимъ росказати повинни, абы всякое посылушенство въ нашихъ пожитькохъ ку ревизоромъ и посьланьцомъ нашимъ мели, около всего ведомость имъ давали, а въ чомъ бы ся яка шкода намъ альбо кривьда подданымъ деяла, абы врадникъ або

намьстьникъ на вrade во въсемъ передь ревизоромъ отьказываль; а вьрадники и намьстьники мають быти люди добрые, веры годные. А естли бы нашъ врадникъ зъ своего намьстьника або зъ слуги за прошен[ь]емъ || оть войта або подданого справедливости укрьвжоному подданому не вчынилъ, ино хотя бъ того слуги не было, повинень самъ панъ передь ревизоромъ о тую кривьду ему отьказывати и съ права всказаное нагородити, а себе на томъ слуге шкоды доходити; а который бы врадникъ о такую кривьду не отьповедалъ альбо нагрожати кривьды и шькоды подданымъ не хотелъ, то маеть ревизоръ намъ, господару, а въ небытности насъ подскарбему ознаймити, не з[ь]еждчаючы зъ оного вrade, и возметь науку, яко ся въ томъ заховати.

[А р т ы к у л ь] 31. О доходы на врадъ з ласки нашеи и о лежни. Во въсихъ замькохъ и дьворехъ нашихъ, где земли на волоки суть розмероны, даемъ з ласки нашеи господарьское на врадъ нашъ платъ весь з десятое волоки, кромъ овьса и сена, третий снопь з гуменъ нашихъ всякого збожья, торговое и померное все и за лопатки пенязми дня торгового, десятая рыба пры спущан[ь]ю ставовъ; вина — который подданный на роботу не выйдесть — грошъ 1 за день, а за другой день барана; списного — оть волоки пенезей 14, а где и за овесь отьбирають — ино оть бочьки по п[е]н[е]зю, вижованья — грошъ, оть присяги — 2 грошы, пересуду — оть копы грошей 3, децкован[ь]е и помилное слугамъ — куница, за девькою и въдовою, кгда до другое волости замужь идеть, — грошей 12, поколodного — грошъ, з нивъ нашихъ — третий грошъ, за скажен[ь]е межы — 12 грошей; нижли врадъ нашъ за

вины подданныхъ, заруки и ни за шѣто иного лежнєвъ въ дома, ани тежъ по коледы Великодные и пожитъки вымышлєны и о скажен[ь]е межъ вѣждчати ани всылати на суды не маеть, чога ревизоръ пилне стеречи и боронити повиненъ.

Л. 15 [Артыкулъ] 32. О судеревныхъ лесохъ и пуцахъ и бобровыхъ гонехъ, о борти, сеножати, о оступехъ и лесехъ розмеронныхъ. Есть некоторые леса, пуцы и дубровы наши, до которыхъ зѣ старо || давѣна шляхта и подданные ихъ уступы и входы мають весположъ съ подданными нашими; о такихъ пуцахъ и лесохъ вси враники наши и ихъ намєстѣники мають ревизоромъ ведомость чинити и спольне а пилне ся о томъ выведывати, хто за якою справедливостью и з много служобъ людей входы свои маеть; и, выведавъшы певѣне, яко много того кгрунту, мають о томъ справу давати намъ, водле которое ведомости великости и малости кгрунту нашего комисары заслати маемъ; а поколь комисары наши на то выедуть, маеть урадь подданнымъ розказати ужывати тыхъ кгрунтовоъ по первому, абы з держан[ь]я не выпущоны, а пожитокъ до скарбу съ того множити; ведже, где бы споръ шолъ о речъ ровѣную, меньшую альбо мало болшую, нижѣли о волоку, тогды таковыя речы можеть врадъ з ревизоромъ альбо съ померчимъ конъчѣти и становити, не жѣдучы зослан[ь]я комисаровъ отъ насъ, абы ся для такъ ровное речы въ замѣкнєнью померы волокъ омешканье не дєяло; а врадъ, яко повиненъ, съ пилностью маеть дойзрети, жебыхмо шкоды

въ справедливости кгрунту нашего не мєли. А лесы, на волоки розмеронные, где годно, на пашню людми осажати и вольности маеть давати урадь на пять альбо на шесть летъ, ажъ и до десети; а то маеть быти, где чорные лесы, а тяжкєе ку выроблєнью; и то даемъ на бачєнє врадовое, а ревизоръ, прѣхавъшы, вольность оную уважить и цыншъ постановитъ по высєден[ь]ю воли платити водле уставы; ведже таковыя лесы, где бы на пашню згодити ся не могъли, помераючы, не мають прогоняти и пѣрорубывати волокъ, одѣно, въ коло обѣмерывъшы и гѣраницы положывъшы, пописати довгость и шырокость шнуровъ и кол[ь]ко волокъ и моркговъ, яко ся вымереть, и, зморкговавъшы, на рейстра пописати; а ведже отъ таковое померы меньшы брати, то естѣ || отъ десети моркговъ грошъ 1; а гдє сеножати въ пуцахъ нашихъ суть, ино врадъ и лесничий мають давати ведомость ревизору, а ревизоръ маеть, где бы потреба, до двора нашего таковыя сеножати прѣверънути альбо межы подданныхъ на плате роздати. А подданные на козбу вси, кол[ь]ко ихъ наймутъ, одѣнымъ разомъ мають ходити, оповєдавшы ся лесничому; а ручѣницы, пса, рогатины и ничого, чымъ бы звєра забилъ, не брати ему з собою. А где бы межы пуцою, болота и лесы кгрунту на пашню годного трохъ волокъ меньшей было, тамъ людей не садити д[л]я злодєйства и пѣрокрадыван[ь]я мытъ, але на пѣлатє роздавати. У-въ оступехъ и ловехъ нашихъ проробъковъ и сеножатѣ никому не<sup>1</sup> мети водле уєалы. Ловы и оступы въ пуцахъ нашихъ ревизоры з лесничими и тежъ осочники, почавъшы отъ Беловежъ, ажъ

Об.

<sup>1</sup> Передъ этимъ словомъ въ оригиналѣ стоить зачеркнутое „не“.

до Ковьна, порядкомъ слышнымъ росъ-  
правити и ростесати казати мають на  
розньные часы для вол[ь]нейшого пере-  
быванья и ведомости о зверу, и яко  
много до которого оступу людей потъ-  
реба, и о далекости оступовъ мають,  
съ пилностью межы собою то постъа-  
новившы, въ рейстръ уписати и на  
враде zostавити, абы за ведомостью  
потъребы певное личьбы людей з да-  
лекихъ волостей не гьнано, кгда жь  
ся и безъ того обьйти може. А под-  
данные наши тягълые и осадьные, кажъ-  
дый з волокъ своихъ, повинни будуть  
до оступовъ нашихъ пешо ходити и  
зъ возми ездити; а поколь<sup>1</sup> въ ловехъ  
нашихъ мешькати будутъ, потоло на  
иньшыя роботы ходити не повиньни;  
але хлопята и старые абы въ ловы  
не ходили. Къ тому тежъ врадъ безъ  
ведомости, листу и росказан[ь]я на-  
шого подданныхъ въ ловы выгоняти не  
маеть подъ ласкою нашою. Бортное  
дерево наше все || абы врадъ въ своей  
ведомости мелъ, чого ревизорове догъ-  
ледати мають; дани тежъ медовые  
водле старыхъ звычайевъ ити мають съ  
пущъ, а з ульевъ домовыхъ и зъ бор-  
тей на волокахъ жадинъ съ подданныхъ  
плату давати не повиненъ; а за бортъ  
шляхецкую, которая бы ся подданому  
у волоце достала, такъ съ пчолами, яко  
пустая, маеть быти запълата водле  
статуту, то естъ за бортъ пустую 15  
грошей, со пчолами—30 грошей; а хто  
бы запълаты прыняти не хотель, тому  
вол[ь]но бортъ свою зо пьня спустити и  
възяти. А во въсихъ нашихъ и обь-  
чыхъ пуцахъ, где передъ тымъ под-

Л. 16

данные наши бобры на насъ гонили, и  
тепер[ь] по первому гонити мають; а  
гьде бы въ рекахъ и озерахъ нашихъ  
ново бобры ся показали, и тамъ ловити  
мають; а за працу ихъ брати имъ бобра  
пятого альбо почеревье отъ кожьдого  
бобра. А гьде подданные въ пуцахъ  
нашихъ лазни для входовъ мають, пры  
таковыхъ лазняхъ абы конечно быдла  
и собакъ не ховали, чого имъ врад-  
никъ и лесничый боронити мають.

[А р т ы к у л ь] 33. Вол[ь]ность под-  
данные до пуцы наше, хотя жь и го-  
ловьное, ведже не гьлубоко, мають мети  
по дрова, по хьворостъ на гороженье,  
по дерево на будованье, по лыка, на  
свою только потъребу, а не на про-  
дажу; а гьде для оступовъ закажутъ  
имъ, ино, поколь загьраничатъ ревизо-  
рове, того вжывати, и то такъ, абы  
на одьномъ мествцу брали, а на дру-  
гомъ загаили; а робятамъ малымъ и  
невестамъ губь, овою лесного всякого,  
ягодъ и хьмелю во въсякихъ пуцахъ  
нашихъ не боронити. А на своихъ  
волокахъ подданнымъ вольно забити  
волка, лисицу, рыся, росомаку, заеца,  
бельку и иньшый зверъ малый, такъ  
же птахи всякые, и продавати, кому  
хотячы, не оповедаючы владу; але  
серны, иньшого болшого зверу не бити  
и на своихъ волокахъ, || а особливе въ  
пуцахъ и подъ пуцами нашими ручь-  
ницъ ховати и жадного зверу ловити  
не мають подъ горломъ. Вол[ь]ность<sup>2</sup>  
подданнымъ до рекъ и озеръ нашихъ  
рыбъ ловити крыгою, удою, броднемъ,  
трыгубицею, оборомъ и иньшими ма-

Об.

<sup>1</sup> Въ оригиналѣ послѣ этого слова стоитъ знакъ (вертикальная черта, перечеркнутая тремя горизонтальными чертами). Тотъ же знакъ стоитъ передъ послѣднею строкою листа 15 об. („в ловехъ нашихъ мешькати будутъ потоло“), указывая, что эта строка должна быть вставлена въ текстъ послѣ слова „поколь“. <sup>2</sup> Старинная опись (см. выше, ст. 4) отсюда начинается 34-й артикулъ, въ который она сливается и весь 34-й артикулъ настоящаго текста.

лыми сетками урадъ и неводничый не мають заборонити, ни жъли езозъ забивати не могутъ; а м[есе]ца апр[ел]я, мая, юня<sup>1</sup> ничымъ рыбъ не ловити въ озерахъ, тол[ь]ко для множен[ь]я ихъ въ тыхъ м[е]с[е]цахъ, чого врадъ и неводничые заборонити мають, ведже въ рекахъ вольныхъ<sup>2</sup> завъжды подданнымъ уловъ на рыбы. Подданный убогій и недостаточный часовъ голодныхъ, засеявъшы на зиму, кгда отъходить кормити ся, маеть оповедати ся вradoви пры войте и указати убозство и недостатокъ свой, для чого то учинити мусить; таковому домовъство и засевокъ не маеть быти бранъ ажъ до Светого Яна; а не вернуть ли ся до того часу, тратитъ засевокъ, и будетъ то все отъдано инъшому безъ поклону вradничого. А который бы человекъ, не оповедавъшы ся вradнику пры войте, втекъ з волоки, тая земля зо въсимъ домовъствомъ, што останеть, инъшому дати, а зъбеглого самъ врадъ и черезъ войта искати мають; а гдѣ найдуть, а выдати не схотять, ино правомъ доходити. Пакъ ли самъ отъходень после часу назначоного, альбо збегъ, правомъ зысканный, любо и безъ пра[ва], вернуть ся, таковыхъ на пустыхъ волокахъ осажати. А естли за кърывъдою отъ вradника и войта выйдеть подданный, а по томъ прыйдетъ, ревизоръ винъности его маеть ся доведати и въважыти прычину, естли прыпусти его ку засевокъ и будован[ь]ю альбо ни. Продати на володе будован[ь]е и домовъство || подданому вольно передъ урадомъ пры войте и лавъникохъ, а тымъ, хто купитъ, засадивъшы волоку свою, который бы дужъ потягъли тягънути, можетъ у месте або на пустой володе сести; а тотъ, хто купитъ, не

Л. 17

<sup>1</sup> Въ оригиналѣ: „июля“.

<sup>2</sup> Въ оригиналѣ: „вольнымъ“.

<sup>3</sup> Въ оригиналѣ: „на“.

маеть большей дати вradникови, только 2 гр[ош]и; а записного въ рейстръ грошъ; а, естли въ томъ ураде нетъ места и волоки пустое, ино ему до инъшого имения нашего вольно ити, вземъшы листъ отъ ураду до оногo, где ся переноситъ, же добровольне вышоль, волоку осадивъшы, и въ томъ ему передъ урадомъ або войтомъ устити ся, абы инъде не шоль, только до волости наше.

[Артыкулъ] 34. Везде пры селехъ нашихъ волоки пустые, ал[ь]бо непърынятые и розробъленные, врадъ и ревизоръ пры бытности своей людми добрыми осажати маеть и писати въ рейстръ, которого дня и часу прыймутъ; съ которыхъ волокъ, поколь ся збудуетъ и волоку напъравитъ, до летъ двухъ, альбо трохъ не маеть большей дати за вси повинности, только грошей 42, снявъшы жыто и ярыну; а роботы и подводъ, ани которыхъ потягълей не тягънути, поколь ся побудуетъ; а то на узънан[ь]е вradомъ и ревизорскомъ — естли близко и лацно будован[ь]я досягънути можетъ; а прыемного не брати болшей, тол[ь]ко 2 грошы на державъцу, а д[ь]яку грошъ; а никому пустыхъ волокъ ани сеножатей на нихъ не наймовати и за поклони ани за скарбные доходы не<sup>3</sup> давати пахати никакимъ обычаемъ.

[Артыкулъ] 35. У подводы далекіе альбо будованья замъковъ и дворовъ подданные наши повинны, и водле великости часу помешкан[ь]я тамъ и далекости дороги мають ся складати съ трохъ альбо съ чотырохъ волокъ на одинъ возъ альбо роботника одъного, а не маеть ни хто такихъ подводъ и



Об.

роботъ замышляти, олижъ за нашимъ листомъ; а за то будетъ || отъпущати подданнымъ съ платовъ за волею нашою водле змешкан[ь]я ихъ тамъ на той посълузе нашей; а будован[ь]е и воженъе дерева и подводы до дворовъ близкихъ и пьрылеглыхъ, то маеть быти на бачьности враду и ревизоровъ нашихъ; ведже, кгда бы што поважного робити мели, мають ся пытати въ насъ, а въ небытньности нашей у подскаръбего нашего; а старостове и тивунове подводъ жадныхъ отъ подданныхъ нашихъ на свою потъребу ани прыятелей своихъ брати не мають подъ утъратою враду; а върадники ихъ, где бы ихъ брали на свою альбо чью иньшую потъребу, горло тратять<sup>1</sup>. А кгда врадъ едетъ съ пенязми до скарбу до Вильни, тогда войтове колеею, по року, кажъдый з войтовъства своего, подъ п[е]н[е]зи подводу мають давати, то естъ подъ петьсотъ копъ подводы две, а подъ тысячу копъ подводъ чотыры; и которые съ подьданныхъ съ пенязми поедутъ, тымъ со вьсего войтовъства того маеть быти складано за кожъдую милю отъ одного коня грошъ 1; тымъ обычаемъ не пьрыидеть то въ другой волости на войтовъство разъ въ кольку летехъ, што маеть быти въ Жомойти и во всемъ Великомъ Князстве Литовскомъ. А гдѣ бы тежъ за листомъ и розказан[ь]емъ нашимъ люди осадные збожъя альбо товары лесные до портовъ возили, тогъды имъ въ цыншохъ такъ же еоллга маеть быти уделана.

[А р т ы к у л ь] 36. Естъли бы подданные за розказан[ь]емъ нашимъ листовнымъ камен[ь]е возили, тогъды имъ за то въ цыншохъ еоллга маеть быти

<sup>1</sup> Въ оригиналѣ: „тратить“.

<sup>2</sup> Въ оригиналѣ: „отъпущоно“.

Л. 18

уделана водле змешкан[ь]я ихъ на той посълузе нашей. А на спущен[ь]е дерева съ пуцы Марковское вси подданные наши волости тамошнее мають быти на тягълую служъбу постановени такъ, яко Волькиницкіе, которые за дъни, имъ повиноватые, дерево и дрова спущати до Вильни будутъ || повинни; а гдѣ бы тая волость водле потъребы нашею тому досыть вчынити не могла, мають быти на то отълучоны люди отъ одного альбо двухъ дворовъ нашихъ, которые такъ же на тягълую служъбу постановити и ку той служъбе съ потъребу ихъ прывернути.

[А р т ы к у л ь] 37. Мосты на местъцахъ звыкълыхъ подданные мають робити, какъ бы безпечный переездъ былъ, безъ мостовъничого, кажъдый за своимъ войтомъ; а, коли войтъ недъбале ся заховываеть, ино врадъ его маеть напоменути; и если непослушны подданные войта, ино ихъ врадъ кажеть выгнати ку той работе за войтомъ; а на гостинцахъ и дорогахъ, где мы, господаръ, з дворомъ нашимъ едемъ, тамъ за дойзрен[ь]емъ врадовымъ звыкълы мосты робити; а за то ничего на подданныхъ врадникъ и мостовъничый его брати не маеть. А мостовъничый, отъ насъ посъланный, маеть только людей боярскихъ у мощен[ь]ю мостовъ догледати, абы были добре зароблены; а естъли бы подданные наши осадные за розказан[ь]емъ и листомъ нашимъ мосты мостили незвыкълые, имъ неповинные, за то имъ будетъ отъпущоно<sup>2</sup> съ платовъ нашихъ; а подданными тягълыми мосты робити за дни, имъ повиноватые.

[А р т ы к у л ь] 38. На сторожу замъ-

ковъ и дворовъ нашихъ чергою подданные ходити повинни, але не больше ихъ врадъ брати маеть, одню яко ревизоръ уставить; а ревизоръ не маеть по особе владу ставити сторожы, тол[ь]ко водле потъребы, великости и важности дворовъ нашихъ; а съ тыхъ же сторожовъ до коней нашихъ, где будутъ стояти, до кожъдое стайни, одинъ сторожъ, а до дванадцати воловъ кормныхъ такъ же одного сторожа.

Об. || [А р т ы к у л ь] 39. Ремесники всякого ремесла мають быти на одной вол[ь]ной волоце ставены отъ ревизора пры всехъ замъкохъ и дворехъ нашихъ, водле потъребы, а злаца пры гостиньцахъ и тыхъ дворехъ, въ которыхъ частей бываемъ, то есть тесли, ковали, слесары, колодеи, бонъдары, рыболове, кграбары; а тыхъ ремесниковъ не маеть урадь до домовъ своихъ посылати, ани роботами своими забавляти.

[А р т ы к у л ь] 40. О озерахъ<sup>1</sup>.

[А р т ы к у л ь] 41. Позвы жадные и децкіе од пановъ воеводъ, такъ же и въ земъли Жомойтской отъ старосты, абы не были даваны на подданныхъ нашихъ, але врадъ, подъ которымъ есть подданный, маеть съ нимъ справедливость неомешканую водле права делати; такъ же тежъ, если подданный пановъ радъ нашихъ, зъ особна стану вшелякого, вчинилъ бой якій, кривъду або грабежъ подданнымъ нашимъ, старостове, державъцы, тивуны и ихъ врадники мають подданнымъ нашимъ во въсемъ справедливости доводити, такъ, яко бы ся подданнымъ нашимъ на въсемъ кривъда и шъкода нагоро-

<sup>1</sup> Дальше въ оригиналѣ оставлено чистое мѣсто въ семь строкъ (оно пере-  
черкнуто).

дила; а посылати врадови своего слугу з войтомъ и сълужькою за кърывъдами подданныхъ безъ вымовы, которому слуге врадъничому помилного отъ кожъдое мили по грошу, и то, коли || што пре-  
зыщеть, а не зыщеть ли, на томъ ничего не брати. А хто бы справедливости делати и шъкодъ нагрожати подданнымъ нашимъ за обослап[ь]емъ врадовымъ не хотель, ку такому врадъ маеть ся заховати водле статуту; а которые оселости и людей не мають, тогъды, вземъшы листъ отъ ураду, ку справе рокъ положыти, а не станеть ли альбо на позовъ отъзоветь ся, маеть урадь зосълати, а, съ права грабежъ вчинивъшы, шкодному дати, што бы за его шкodu стояло.

Л. 19

[А р т ы к у л ь] 42. Многіе зъ шляхъты и подданныхъ нашихъ, ужываючы мысливъства, збож[ь]я и ярыны подданныхъ нашихъ топъчуть и шъкоду имъ чынять, таковое шкодливое мысливъство маеть быти отъ ураду заказано и боронено; а хто ся не уйметъ, правомъ его о то умовляти и шъкоды позыскивати.

[А р т ы к у л ь] 43. Старостове, державъцы и тивунове абы злодеевъ и иныхъ злочынцовъ карати казали водле статуту, безъ вины злодейское, которая передъ тымъ бывала, а маетьности злодейское и кожъдого злочынцы абы конечно на врадъ и никого иного не брано, одно ее пры земъли, жоне и детехъ зоставовати; а не будетъ ли жоны и детей, инъшого на томъ осадити; такъ же тежъ отъ умерщынъ и отъ бегъщынъ абы конечно брати не съмели, але на той маетьности и томъ кгрунъте инъшыхъ годныхъ подданныхъ

чистое мѣсто въ семь строкъ (оно пере-

нашихъ осажали, абы тымъ не мѣно-  
жили ся пустѣки.

[А р т ы к у л ь] 44. Повинность  
замьку Виленского панъ воевода Ви-  
ленскій з волостей воеводства своего  
Виленского поднялъ ся опатъровати по  
тому, яко зъ стародавѣна бывало, а не  
большей, а иншое все и тежъ повин-  
ность замку Троцъкого зъ скарбу нашего  
опатровано быти маеть, кгда жъ вже  
люди на волочѣныхъ платехъ и повинъ-  
ностяхъ суть осажены || и постановены.

[А р т ы к у л ь] 45. Въ земли Жо-  
мойтской, дворехъ и волостяхъ на-  
шихъ шляхта, которые были зъ ста-  
роства пана Станислава Яновича Ре-  
кутя Кезьгала и за сына его, пана Ста-  
нислава Станиславовича, тые мають  
быти вси заховани пры тыхъ же воль-  
ностяхъ шляхетскихъ; лечъ которые  
бы по зештью ихъ и за вкупы своими  
зостали бояры, таковые вси абы ровъ-  
ного права зъ шляхтою не въживали,  
и въ повинности волочѣные они и ихъ  
земли обернены мети хочемъ, а въ  
томъ обовезуемъ повинность урядни-  
ковъ нашихъ водле ихъ сумѣненья,  
абы сами и з ревизоры и мерники  
з великою пильностью того посътере-  
гали; а кому бы листы наши ку ли-  
стомъ старостинымъ на шляхецтво  
пряданы были, то маеть быти отъло-  
жоно на вырокъ нашъ; а ведже и тыхъ  
всихъ, которые бы становилъ ревизоръ  
на пълаты повиноватые, а показали  
бы листы пановъ старость Жомойт-  
скихъ, тогды тые листы маеть ревизоръ  
передъ нами оказати для ведомости  
певное, съ которыхъ прычинъ того  
права и вольности шляхетское ал[ь]бо  
боярское хто доступилъ.

[А р т ы к у л ь] 46. З волостей Рус-

кихъ меды и инъшые доходы мають  
быти по сътарому браны и по тому,  
яко на сесь часъ, до инъшое науки и  
посътановенья нашего.

[А р т ы к у л ь] 47. Кгда жъ вже  
черезъ ревизоровъ и померчыхъ о  
всехъ кгрунтехъ и подданныхъ на-  
шихъ вшелякая ведомость до скарбу  
нашого дошла, хочемъ мети, абы по  
сърмерти старость, державець и тиву-  
новъ знову увяжъчые подданныхъ на-  
шихъ не пописывали, списного и ста-  
цей некоторыхъ на нихъ не бърли  
подъ ласкою нашою и нагорожен[ь]емъ  
совите шкодъ подданнымъ, одъно маеть  
рейстръ ревизорскій з скарбу нашего  
взяти, || абы з рейстровъ войтовъскихъ  
во всемъ ся справити, што въ томъ  
ураде прыбыло, абы тежъ спустошало,  
а з якое прычины; которая ведомость  
и досвятченье пры враде, войте и лавъ-  
никохъ маеть быти, а по сърмерти ста-  
рость, державець и тивуновъ нашихъ,  
естли бы была потреба вслан[ь]я на  
врадъ отъ пановъ радъ альбо отъ пана  
подскарбего, тогды того жъ ревизора  
послати, который тамъ на ревизеи бу-  
детъ; а што съ третего снопа врадни-  
чого тамъ зостанеть, маеть ревизоръ  
на зешълого половицу дать, а дъругую  
наставаючому враднику а собе на вы-  
хованье взяти; а што ся дотычетъ  
замьковъ нашихъ украин[н]ыхъ, тамъ  
по сърмерти враду нашего маеть быти  
посълано отъ насъ абы отъ пановъ радъ  
нашихъ, которыхъ враду то належыть,  
для осторожности отъ непърятеля.

[А р т ы к у л ь] 48. Хочемъ мети,  
абы вси уходы до пущъ и лесовъ,  
озеръ и рекъ нашихъ и забиванье езовъ  
и дерево борътное, сеножати и инъшые  
всякіе пожытки на кгрунтехъ властъ-  
ныхъ нашихъ никому иному, одно под-

данымъ местъ и волостей нашихъ отъ ураду на цынъшохъ и пълатехъ нашихъ даваны были для примноженья пожитковъ скарбу нашего, чого ревизорове шильне выведывати и стеречи мають, жебы то было безъ шкоды наше, абы тежъ такими вступы и въходы за въкупы и покълоны нихто влостности наше забирати не могъ.

[Артыкулъ] 49. Хотемъ тежъ мети, абы въ пущахъ нашихъ лесничые никому дерева стоячого на будован[ь]е ани на жадную речъ, для пожитковъ своихъ давати не съмели, подъ срокгою карностью нашою; ведже лежачое дерево могутъ давати, але не иншому кому, одно нашимъ подданымъ, которые бы на волокахъ своихъ ку ихъ потребамъ лесу не мели.

Об. || А во всехъ тыхъ справахъ коло розмноженья пожитковъ нашихъ и порадности господарства въ помере кгрунтьовъ нашихъ обравшы на то первой сего справцою, поручили есмо державъцы Кнышынскому, пану Петъру Фальчевъскому, где жъ и на сесь часъ подле оногo першого злеценья и сее уставы наше хотимъ мети: где бы въ которомъ имен[ь]и нашомъ потреба вказывала, абы онъ з нашего розказанья догледаль и дождчалъ, яко около померы, такъ и въ иныхъ речахъ, господарству належачыхъ, становячы ку пожитку скарбному подле воли наше господарское.

**3. 1557, октября 20. Дополненія и исправленія „Уставы на волоки“, установленныя великимъ княземъ Сигизмундомъ Августомъ.**

Того жъ року 1557, м[есе]ца

<sup>1</sup> Въ оригиналѣ: „если“.

октября 20 дня. Господарь король его милость и великій князь Жыкгимонтъ Августъ рачылъ поправовати некоторыхъ артыкуловъ, въ той уставе вышей описаныхъ, съ причынъ певныхъ, отъ пана Петъра Фалчевъского поданныхъ, и розказуе его милость господарь, абы на въсемъ тые артыкулы ниже описанные пры уставе ревизоры оповедали и становили.

Напервей до артыкула третего — О конюхохъ седел[ь]ныхъ и инъшыхъ. То его королевская милость рачылъ розказати доложыти: конюхи, такъ же и вси слуги дворные садити однымъ селомъ въ кождомъ ураде и такъ же волоки || мериити въ тры поля, и въ среднемъ поли садити, какъ и волостныхъ людей.

Л. 21

До артыкула 25 — О коняхъ. То его королевская милость доложыти розказати рачылъ: кони вранникъ кождый у своемъ дойзрен[ь]ю маеть мети и самъ отъповедати, естли<sup>1</sup> зле будутъ хованы, бо то его королевская милость на вранника, а не на машталера здавати рачыть; для чого пры таковыхъ коняхъ маеть вранникъ своего служебника слати до господара.

До артыкула 4 — О стрел[ь]цохъ. Того его королевская милость рачылъ розказати доложыти: стрел[ь]цы садити межы тяглыхъ людей, персажаючи инъшыми людми, ижъ бы не посполу седали.

До артыкула 6 — О осочникохъ. Розказаль его милость госпо-

даръ доложити: осочъники на гъраницы Прускіе перенести съ поля, где яко потреба, двухъ-трехъ; а инъшихъ обирати съ тыхъ, которые тамъ перемешъкивають альбо осаконы будутъ.

Об. До артыкула 7 — О войтахъ. Росказаль его милость господарь доложити: войты тяглые абы мели на войтовъскую службу по две волоки вольныхъ отъ всихъ потяглей || и податковъ; а где села кгрунты и поселен[ь]емъ прылегли собе, тамъ трыста и чотырыста волокъ можетъ одинъ войтъ справовати, злаща где осадные люди, а не тяглые, а большей то въ земли Жомойтской ма быть, кгда жъ роботъ ани отъвозовъ тамъ не становено; а пры обиран[ь]ю войтовъства войтове и лавъники прысегати мають водле первое уставы.

До артыкула 13—О корчмахъ. Доложити его королевская милость росказати рачылъ: корчмы покутныне кнезскіе, панскіе, злаща где не на гостинцу, абы были гамованы и забираны отъ ураду его королевское милости, хотя жъ бы и листы его милости господарьскіе мели, кгда жъ въ листехъ данины его королевское милости описано безъ шкоды таковыне корчмы будовати, а таковыми покутными корчмами не одъно шкода его милости господарю, але и речы посьполитой дорогость въ жывности и зънищен[ь]е убогихъ людей.

До артыкула 9—О местахъ. То его королевская милость мети хочеть, абы пры большихъ местахъ войтомъ по две волоки даваны, а въ меньшихъ, злаща где не на гостинцу, войтомъ по одъной волоце давати на его службу войтовъскую, отъ платовъ и

повинностей вольные, абы тымъ хтивъшые ку порадку были.

До артыкула 20—О зароблен[ь]е. Пашъни по тому его королевская милость заховываетъ, яко нижей описано, ижъ маеть быти на кожъдую волоку еолваркову[ю] зоставлено по семи волокъ осельхъ, з волы и съ клячами, на заробленье пашъни; а къ тому естли бы врадъ розумель, же тыми людьми пашъни зробити || не можетъ, и будетъ ли того потреба, маеть толоки збирати на хлебъ дворный, на што з гумъна его королевское милости збожъе взяти маеть; а подданные будутъ винни на такіе толоки ити, и, кгда ревизоръ прыедеть, обачывъшы, што слушъне врадникъ учинилъ, маеть въ ревизии описати, абы то ему на личбе прынято.

Л. 22

До артыкула 17—Около отдаван[ь]я сена и овъсовъ. Рачылъ его королевская милость росказати доложити, абы пры отдаваньи овъсовъ и сенъ не давано большей, одъно яко у-въ уставе описано, а войтъ за квитъ не маеть большей дати, только одинъ грошъ служебникови конюшого; а конюшый квитъ до кожъдое державы одинъ маеть дати, за которій не бол[ь]шей, одно 12 грошей брати ему.

До артыкула 29—О ревизорахъ. Поправуючы, его королевская милость рачылъ росказати доложити: ревизоры со въсею справою своею мають ся з[ь]еждчати до Вильни на певный часъ, который имъ будетъ ознаймень, ижъ бы тежъ и панъ Фалчевскій на тотъ часъ везъванъ былъ, и пры немъ справу ревизии своей отъдавати и справовати ся повинни въ скарбе, або кому то его королевская милость

поручить рачить; и во вѣсемъ ся съ паномъ Фальчевѣскимъ порозумевати мають, абы везде одьнако справа волочьяная шла по тому, яко въ него у Кънышыне.

Об. До артыкула 23 — О млынары. Росказалъ его милость господарь доложыти, абы млынары з волоки, которая имъ будетъ дана на млынарство, по два дни тесельскою работою || служыли до замьку альбо двора, а не по одному дню, яко у-въ уставе описано вышей.

То тежъ особьливе его королевская милость хочеть мети, абы на пустыхъ волокахъ вол[ь]но паствить подданымъ быдло, и жадинъ вранникъ абы не съмелъ грабити быдла подданныхъ на пустомъ, хотя бы и сеножати, кромъ збожья засеяного на пустовъщизне, съ чого платъ мель быти.

О ревизорахъ до земьли Жомойтское хочеть его королевская милость мети, абы ехали и водде першое науки справовали ся; ведже где покажеть ся въ рейстрахъ померчыхъ, што будетъ надавки давали на кгрунты подлые, таковыхъ волокъ знову шнуромъ не пьробовати, кгда жъ то панъ Фалчевскій поведилъ, же во вѣсихъ мерникохъ есть въ рейстрахъ описано, што навзышь на которую волоку дано и з яко прычины, и пьро то таковые рейстра мають быти даны до скарбу, абы ведомость была всякого кгрунту въ земьли Жомойтской въ скарбе.

Есть<sup>1</sup> тежъ воля его королевское милости, абы съ пенезей, зъ гуменъ браныхъ за збожье, быдло до еолварковъ панове вранники куповали,

1 Въ оригиналѣ: „Есть“.

звлаща коровы, а съ того пожытокъ до скарбу его королевское милости примножали, чымъ тежъ и роля еолварковъ направовати ся могутъ; а што такихъ пенезей гуменныхъ на быдло выдавати будутъ, на личбе маеть быти прыймовано.

#### 4. 1558, мая 20. Инструкція, данная великимъ княземъ Сигизмундомъ Августомъ ревизорамъ и мѣрникамъ.

|| Лета Бож[ьего] Нарож[енья] Л. 23 1558, м[есе]ца мая 20 дня.

Господарь король его милость и великій князь, росказавшы розсылати ревизоровъ и мерниковъ, рачылъ поручыти то озьнаймити и ку той справе доложыти, же вси они, ревизоры и мерники, въ небытности его королевское милости въ тутошьнемъ панстве едучы на ревизею и на померу, такъ же и з[ь]ехавшы зъ справы и з ревизей своей, мають зъезждчати ся съ паномъ Петьромъ Фальчевѣскимъ, яко жъ съ тымъ, который коло порадку того господарства з ними намовляти [маеть], и чого бы которое имен[ь]е господарское потъребовало, такъ въ порадку померы, яко тежъ и въ господарстве а пожытокъ его королевское милости, имъ раду и науку давати будетъ и, въ чомъ потреба, докъладати ся будетъ пана воеводы Виленского, маршалка земьского, канцлера Великого Князства Литовского, старосты Берестейского, державцы Борысовского и Шовьленского, его милости пана Миколая Радвила, кгда жъ господарь его милость на пана воеводу Виленского то преложыти рачылъ отъ его милости, абы панъ Фальчевскій и вѣси таковые,

Об. въ тую службу ставленые, способляли ся наукою, помоч[ъ]ю и обороною и во всьихъ справахъ, што бы ся стегало<sup>1</sup> коло пожитковъ || и кгрунтьовъ господарскихъ.

Къ тому, будучы они на таковыхъ службахъ его королевское милости, мають, съ паны вранники именовей его милости господарскихъ порозумеваючы ся, догледати, а гдѣ ся подданные розделили, а мьного ихъ въ одномъ селе, а на маломъ кгрунтьте, таковыми абы пустые волоки осажываны, зоставивъшы брата одного або двухъ на волоце, або отъца зъ сыномъ; а давати имъ вольность, на пустыхъ волокахъ осажываючы, для запоможен[ъ]я, яко вышей описано.

Тежъ абы того вранники догледали, а[бы] подданнымъ гдѣ ку розробленнымъ волокамъ лесе прыданы для будован[ъ]я и дъровъ, такъ местскимъ, яко и волостнымъ, ажъ бы только на свою потъребу брали, а не продавали.

Што ся дотычетъ стрел[ъ]цовъ, на томъ господарь его милость застановить рачылъ за ихъ чоломъбитьемъ: ачъ на уставе описано не давати имъ цыншъ зъ двухъ волокъ, але ихъ тепер[ъ] большій почотъ ихъ, нижъли первой было, и пьро то подвезали ся сами платити цыншы и осады со всякими повинностями такъ, яко и осадные люди, п[е]незми, кромъ роботы и потяглей, и господарь его милость розказуетъ кожъдому зъ нихъ дати по две<sup>2</sup> волоки осадити ихъ селы и на добрыхъ кгрунтьтехъ, и подал[ъ] пушцы, а они мають одну волоку мети вольную отъ платовъ, а зъ другое платити будутъ цыншъ и весь податокъ такъ, яко иные осадные люди; ведъже ани сена ани овьса, [а]ни жадныхъ отъвозовъ альбо подводъ и

Л. 24  
потяглей не повинни, || тол[ъ]ко голый цыншъ альбо платъ давати имъ до врану на часъ, волости ознайменый, за ведомостью служебника пана Довойного; а судити ся имъ, стрельцу [съ] стрельцомъ, передъ тымъ, кого панъ Довойно уставить надъ ними; а коли съ кимъ иньшымъ судъ, ино пана Довойновъ слуга за обосьланьемъ зъ урану маеть становити на судъ вранничый и самъ на томъ суде маеть быти и посполъ зъ уранникомъ судити.

А гдѣ бы ся прыгодило съ подданнымъ нашимъ судити стрельца о покаженъе або о переоран[ъ]е межы, по тому жъ маеть вранъ нашъ або войтъ волостный посполъ съ тымъ служебникомъ пана Довойновымъ тую речъ судовъне подле уставы наше застановити.

А пры розъдаванью волокъ стрел[ъ]цомъ маеть тамъ быти служебникъ пана Довойновъ.

**5. 1558, іюня 20. Постановленія великаго князя Сигизмунда Августа (по совѣщаніи съ панами - радою) объ отправленіи подводной повинности городами, мѣстечками и Русскими волостями (гдѣ еще не произведена волочная помѣра), о налогѣ на торговлю, „шынкъ“ и ремесло и объ организаціи подводнаго дѣла.**

Лета Бож[ъ]его Нарож[енья] 1558, м[есе]ца іюня 20 дня. Господарь король его милость и великій князь Жыкгимонтъ Августъ рачылъ намовляти съ паны радами ихъ милостью и вырокомъ своимъ господарскимъ о даванъе подводъ на томъ застановити, якимъ обычаемъ маеть быти порав-

<sup>1</sup> Въ оригиналь: „стечало“.

<sup>2</sup> Въ оригиналь: „дле“.

Об.

докъ справы и повинности тое земьское становень во вьсихъ местехъ, местечькахъ и волостяхъ Рускихъ его королевьское милости, кромъ местъ || упъривильеваныхъ вольностью отъ подводъ, а ведже и въ таковыхъ местехъ на пьредместью перемешькивающе абы платили по тому, яко ниже описано, не выймуючы съ того никого, и чьй кольвекъ человекъ сидеть въ месте господарьскомъ и на предместью, о[д]нако платити маеть, яко и мещане.

Мещане вьсихъ местъ абы давали съ кождого дому по два грошы; а хто волоку держыть, тогда особно отъ волоки маеть дати тры грошы, а з морковъ пры местехъ по чотыры п[е]нези, а отъ прута огородного местьского одинъ пенязь; а где волокъ еще нетъ, ино з дому два грошы, а съ еолварка местьского або съ пашни по шести грошей; а въ которомъ еолварку люди, ино [съ] служьбы по шести грошей, а отъ огородника по два грошы. А Рускiе волости, где волоки не мероны, могутъ з дыму дати такового, въ которомъ земьли своее и особного хлеба ужывають, грошы два съ хлеба, а з дерева бортного грошы тры з лезыва; а хъто того обойга не вжываеть, только на огороде сидеть, тотъ отъ огорода грошь одинъ дати маеть; а хъто и огорода не мелъ бы, тотъ маеть з дыму дати польгроша.

А то устава на товары, на шынкъина реместники. Хто едwabными речми торгуеть — чотыры

грошы; хто только сукъны и иными крамными товары — тотъ маеть дати два грошы; а отъ золотара || — такъ же два грошы; хто шынкъ, корчмы держыть — тотъ отъ меду одинъ грошь, а отъ пива одинъ грошь, а отъ горелки два грошы; резники, кожъдый, того ремесла ужываючы, одинъ грошь винень дати; кравцы, кушьнеры, шевъцы, ковале, слесары, столяры, бондары, колесники, стельмахи, рымары, сырометники, дуботовъки, седлары, гончари<sup>1</sup>, токары, скляр[ы], пекары и кожъдого ремесла хто кол[ъ]ве ужывати будутъ и объходити ся ремесломъ, въ месте седечы, маеть з ремесла такового дати одинъ грошь, але отъ товарышовъ не повинень платити; а, отдаючы тые доходы, бирчого и писчого не повинень большъ дати, только одинъ пенязь, хотя мало альбо много дасть.

Ведже хто бы съ таковыхъ купьцовъ альбо з ремесъниковъ хотя однимъ товаромъ съ тыхъ речей менованыхъ и на одинъ разъ въ месте торговаль, альбо ремесла ужываль, тогды тое жъ отъ товаровъ своихъ и ремесла маеть дати и запълатити, яко и тые, обещъне въ месте перемешькивающе, платечы то на раты уставленые, — вольно ему будетъ на цалый годъ такового торгу ужывати; и для того вси купьцы и купьчыки во вьсихъ местехъ таковыхъ, где подвода идетъ, мають уписати въ рейстръ урадовый, чимъ торгуеть; если жъ того не всхочеть, а търаеть ся едwabные або якие иные не звыкълые въ его купецтве товары, тогды маеть запълатити отъ того по сей уставе и вольность мети тымъ купьчыты, отъ чого запълатить.

А отдавати тые пенези до враду замьковъ и дворовъ его королевское

Л. 25

<sup>1</sup> Въ оригиналѣ это слово написано надъ строкою, болѣе черными чернилами.



Об. милости, на две раты розложывъшы: на Новое Лето половицу, а другую половицу на Святой Якубъ, а после<sup>1</sup> року у двухъ неделяхъ кожъдый вранникъ маеть до скарбу отъдати; а землянскіе люди, хто повиненъ || носити подводу подле уѣалы земъское, на сойме вчыненное, мають платити зъ служъбы по шести грошей, и на тые жъ роки повинъни вранники господарскіе отъсылати тые пенези до скарбу его королевское милости, а за тые пенези кони на подводы наймованы быти мають.

И во всѣхъ местехъ и селахъ, где потъреба, а вызволены места отъ подводу, на шъредместью, хотя где до сего часу подвода не давана, мають ховати кони на наемъ подводы.

А гдѣ волоки суть, тые мещане будуть ховати кони, которые волоки держать, и сътеречи подводы переменою по неделямъ у ровности; а мети кони каждому по два; а хъто всхочеть большей мети коней на таковой наемъ, ховати то на его волоки.

А войтъ кожъдого такового местечка и села маеть два кони ховати и отъ даванья податку оногo будетъ воленъ для того, абы порадку даван[ь]я подводу догъледали; и станеть ли омешъкан[ь]е гонцу, то войтова вина, и сърокгая карность на него отъ господара короля его милости взложона будеть.

До всѣхъ замъковъ и местъ не мьногіе дороги и гостинцы росписати отъ столечного места Вильни, абы чужоземъцовъ збегомъ и шъпекгомъ, лихимъ людемъ, вольный проездъ, а мыту господарскому шкода въ прокрадыванью купъцовъ не была; а къла-

сти гостинцы што на шъростей можеть быти; и такъ по въсей земъли розложыти гостинцы и станы певъные, на которыхъ подводамъ отмена маеть быти; а не становити подводы нигдѣ большей семи миль, а меншей трохъ, и то алижъ бы инакъ не могъло быти, але въ чотырохъ, въ пяти, || въ шести миляхъ отъмену становити, хотя и въ князскихъ, панскихъ местахъ и селахъ, где подводу носити повинно.

А коли прыйдетъ посолъ великій альбо отъвозъ речей господарскихъ, на што бы таковыхъ коней большей потреба, ино тое место альбо село мають ся способляти, яко бы тыхъ коней водле потребы зготовали, бо о таковой потъребе могутъ передъ часомъ ведати; а которые то повезуть, такъ мещане, яко и волощане, абы имъ такъ же плачно помильное, яко нижей описано.

Въ чомъ хотячы порадокъ учынити, постановити, абы въ дому войтовомъ, бурмистровомъ альбо лавъниковомъ подводе отмена была, и маеть быти плачно отъ коня по гърошу на милю, такъ же отъ подводного, яко и отъ того, на которомъ проводникъ ездитъ, а отъ возовое подводы однимъ конемъ — полътора гроша на милю, а отъ двухъ коней до одъного воза — полътретя гроша на милю; а естъли бы своимъ возомъ двема коньми повезъ, тогды отъ воза з двема конми тры грошы маеть быти дано на милю.

И естъли бы тежъ тотъ подводникъ мусялъ и назадъ на той же подводе нести гонъца, ино ему платити по тому жъ; а не понесеть ли гонъца, тогды платити не надобе; а маеть гонецъ и кожъдый посъланецъ наемънику п[е]н[е]-зи вси заразы дати, а то для того, абы

<sup>1</sup> Въ оригиналѣ: „после“ („ъ“ въ срединѣ слова подправленъ болѣе черными чернилами).

ратовати могъ, естъли конь рознемо-  
жетъ ся або здохнетъ, штобы мелъ за  
што иного коня наняти, а не омешъ-  
кати гонъца.

Об. ¶ Въ даван[ь]ю подводъ ма-  
ють ся такъ заховати. Гонецъ  
маеть ехати до владу господарьского  
за листомъ господарьскимъ подводнымъ,  
а върадъ войту альбо бурмистру и  
лавънику, тому, хто на то уставленъ  
старшимъ, кажеть ему подводы дати,  
колько на листе его милости господарь-  
скомъ любо на листе пановъ радъ, такъ  
же и на листе старость и державецъ  
украинныхъ описано; и напишетъ на  
листе подводномъ, которого дня бралъ  
подъводу, абы за однимъ листомъ, естъ-  
ли не описано въ листе, не бърали  
подводъ по двакрыть, яко то много-  
крыть чынили до сего часу. И будутъ  
озънаймены особы певные пры дворе  
и скарбе его милости господарьскомъ,  
таковыя, хто тые пенези на подводы  
роздавати маеть зъ скарбу; беручы  
которые, отправаючы[е] гонца давати  
мають на наймован[ь]е подводъ, яко да-  
леко едетъ, на кожъдую милю по од-  
ному грошу, а на страву ему только  
жъ на особу его, а слугамъ его, колько  
съ нимъ будетъ, такъ же по одному  
грошу, и назадъ на страву мають ему  
платити; а онъ вже будетъ наймовати  
и платити таковымъ, которые объраны  
ховати тые наемные кони; нижъли  
хто возомъ едетъ, тотъ не такъ ся  
борздо посънешыть, для того и на страву  
маеть ему дано быти на милю полъ-  
грошъкомъ большъ; а ведже маеть  
быти розумяно на таковыхъ гонцовъ,  
который самъ одинъ зъ слугою або зъ  
двема посыланъ бываеть; а хто зъ боль-  
шимъ почътомъ едитъ, таковому маеть

<sup>1</sup> Въ оригиналѣ: „бити“.

<sup>2</sup> Въ оригиналѣ: „маеть“.

<sup>3</sup> Въ оригиналѣ

„маеть“.

быти большей дано, водле особы и по-  
требы, на што тотъ, хто въ справе  
своей то мети будетъ, ¶ маеть бачнымъ  
быти<sup>1</sup> и зъ волею его королевское ми-  
лости такимъ посъланцомъ отправу  
чынити.

Л. 27

А дворане, на подводѣ едучы, черезъ  
перемену не мають<sup>2</sup> далей на той под-  
водѣ ехати; а въ пережъдчыхъ тежъ  
людей коней не мають<sup>3</sup> брати; а естъли  
бы то чынилъ, тогъды совито пови-  
ненъ будетъ шкodu нагородити, а за  
такъ неповъстязливый высътупокъ  
две недели у везен[ь]ю седети, а на тую  
посълугу николи посыланъ не будетъ,  
абы тымъ ся и иные карали; нижъли,  
естъли бы подводный конь усталъ альбо  
здохъ, тогъды маеть онъ гонецъ въ  
пережъдчого человека альбо где на  
селе пры гостинцу коня наняти, а пьро-  
водъникъ тому, чый конь будетъ, запъ-  
латити маеть такъ жо, яко ему плачно,  
кгда жъ п[е]н[е]зи за наемъ отъ гонца  
взялъ, для того абы посъланъцомъ его  
королевское милости, ихъ милости па-  
новъ радъ и зъ украинъ потребамъ  
земьскимъ нигде ся не омешъкивало;  
а зъ украинъ мають панове воеводове,  
старостове и въсякые владники посы-  
лати, даючы свои пенези на подводу;  
и кгда прыедеть таковой посъланецъ,  
ино, взявъшы ведомость съ канцеля-  
рей, съ какою справою посъланъ и хъто  
посылалъ въ земьской справе, тако-  
вому кожъдому черезъ посъланца его  
маеть быти запълачно за наемъ под-  
водъ; а хъто для своея потребы шлетъ,  
тотъ своимъ накладомъ отпраууй, а  
господарьскихъ подводъ не працууй, для  
чого, въ земьскомъ деле шлючы, своихъ  
потребъ на таковыхъ посъланцовъ не  
въкладати, жебы тымъ не омешъки-  
вали справамъ земьскимъ, ождаючы

Об. такимъ деламъ пана своего отъправы, але || гонецъ з деломъ его милости господарьскимъ и земьскимъ отъправовати ся спешьне маеть, ничымъ инымъ не забавляючы ся.

**6. 1558, октября 20. Дополненія и исправленія постановленій отъ 20 іюня 1558 года (№ 5), установленныя великимъ княземъ Сигизмундомъ Августомъ.**

Того жъ року [15]58<sup>1</sup>, м[е]-с[е]ца окт[ебра] 20 дня. Его королевская милость рачылъ росказати до тое уставы на подводы прыписати:

Купцы чужоземьскіе, которые коль-

<sup>1</sup> Въ оригиналѣ: „57“ (славянскими числовыми знаками). „млти“ (подъ титломъ).

векъ до панства его королевское милости прыеждчають съ торговлями, а домовъ своихъ не мають нигде въ границахъ панства его королевское милости, на таковой податокъ для наймован[ь]я подводъ не винни складати ся, кгда жъ мыто платять.

Што тежъ описано вышей въ той уставе, абы, на две раты розложившы, тотъ податокъ отдавали, его к[о]р[олевская] милость<sup>2</sup> хочеть мети, жебы завьжды тотъ податокъ отдавань на Новое Лето, и таковой податокъ жебы врадники завьжды пры цыншохъ отбирали.

Остаеѣй, маршалокъ и писарь.



<sup>2</sup> Въ оригиналѣ:

Цѣна 25 коп.